

श्रीकृष्ण

ने पा ल भा षा या

प्र
ग
ति
शी
ल

मा
सि
क
प
व



धलक

विषय

पतिल्याख

विषय

पतिल्याख

१ (न्यातपोल)	न्हेवने	१२ भीगु भाषा गथे चवये ? — नारायणप्रसाद ...	४३५
२ धलःपौ (चिनाखँ) फत्तेवहादुर ...	४१६	१३ विकृत भावना (चिनाखँ) दुर्गालाल 'खविलु' ...	४३९
३ बेकरी समस्या (चवखँ) ध्रुवनारायणकायष्ठ ...	४२०	१४ म्हुपुजाखुन्हु (बाखँ) — भिक्षु भश्वषोष ...	४४०
४ दुधाः (चिनाखँ) — एन. के. 'रोशन' ...	४२१	१५ जिगु खँ छ छाय न्यने मयल ? ध्रुवकृष्ण दीप...	४४१
५ छुमां (चिनाखँ) — ईश्वरानन्द श्रेष्ठाचार्य...	४२२	१६ नैतिक बन्धनय् मिसा — बासुपासा ...	४४२
६ झज्जु सफुलि (बाखँ) — रे. र. न 'स्यस्य' ...	४२४	१७ हलुख (चवखँ) — चन्द्रमान श्रेष्ठ ...	४४४
७ स्वयम्बर (चिनाखँ) — चक्रानन्द ...	४२९	१८ स्वयम्बर (बाखँ) — तिलकप्रकाश ...	४४५
८ बवसा धर्म (चवखँ) — रामवहादुर श्रेष्ठ ...	४३०	१९ गय थें मस्यु — प्रेमवहादुर ...	४४७
९ याकिन बयि जः (चिनाखँ) — उफोस्वां ...	४३१	२० ख्वगु नुगुल (चिनाखँ) — रामवहादुर ...	४४६
१० चीनयागु विभिन्न भाषा — नानिहीरा ...	४३२	२१ सम्पादकीय ...	४४८
११ सुघोयात (चिनाखँ) — धर्मबीरसिंह ...	४३४	२२ सफुलि-खँ ...	४४९




सूचना

“ थौकन्हे ” या ब्वमिजुपित जिमिसं थव खँ चवयेका चवना कि १०७५ यंलां निसें “ थौकन्हे ” छिकिप्रिनिगु लहातस थयंके मफुनि । थुगु पति १०७५ या दिह्ला व गुलाया ६।१० अंक खव । आबं निसें लय लय पत्तिक इलसं इलस पति पिकायेगु धयागु जुउगुलि पिकाये मफुगु त्यंगु यंला कउला, कछला, थिला व पोहेला यानाव न्यालायागु छगुलि विशेष सफुलि पिकाये त्यनागु दु । थव सफुलि उक्त त्यना चवंगु अंकया स्वरुप जुइगुलि ग्राहकपित पत्रिकाया थासे थव सफुलि थयेंव बइ । थुकि यानाव भीगु साहित्य धुकुतिस छगुलिसां सफुलि नं अपोल दव वइगुलि जिमिसं थुगु ज्या भि ताया ।

प्रकाशक ।





भीत गुगु नाना समस्यां न्योपना च्वन थौंकन्हे

उगु समस्या दूर यायेत न्हाः वया च्वन "थौंकन्हे"

सम्पादक—रे.र.न. 'स्याय' उपसम्पादक—पुष्परत्न

दं ४. } कान्तिपूज, दिला, शुंला १०१५ { त्या० २१०

धलः पौ

—भाजु फतेबहादुर सिंह

न्हूगु वर्ष लया पवना च्वन विगत जीवनया जिके।

डाह, इष्या द्वेष व्याकं स्वीगु छ्यौले जि दिके।

तोपुयां तोप्वो मज्यू जिगु दोष आप्लं सं जक।

भिक कसिना लेदना च्वन हाकुसे घोने फुक।

कर्म जिगु दुष्कर्म हे जक ज्ञान मरु मखु ब्रादयां।

गय पुले दुर्वासनाजक जागु पखाः तिन्हुयां ?

यायगु जि संघर्ष केवल स्वार्थ साधनया जक ;

सुं मनूख्या कष्ट खसा फःहिला उवी तीजक।

स्वीगु भिका, स्वीत दयका, थः सिधे मेपिन्त जि

आः धयादिसं लया छु वी जि लः छुवै छि गंगु फि ?

थः भिना करपि कछका ठोंग रचना यायगुया,

ल्या छु वी धाय बरु स्यनादिसं तेगुमे जि तोपुया ?

मखु मज्यू धैदोगु जूसा विगत जीवन स्वै दिसं।

स्वार्थ, इष्या, द्वेषया जक थुगु धलः पौ कै दिसं।

वेकारी समस्या

—भुजु ब्रुवनारायण कायष्ट

थर्षिके दुगु योग्यता कथं ज्या सँनाव जीवन प्रतिपाल याये मखँपित हे भीसं वेकारी धया च्वँना । थ्व समस्या-यात वेकारी समस्या धाइ । थौं झीगु देश शुभ गतिस थ्यंकेत थाकुया च्वंगु थ्व हे समस्यां यानाव खव । थ्व समा-जया दुश्मन खव, प्रगतिया कट्टरम्ह बाधक खव । थ्व समस्या दूर मजुइकं भीसं देश थये याये अथे याये धकाव कल्पना यायेगु हे स्वर्गते छेँ दँनिइम्हसयागु कल्पना थें खव ।

थौंकन्हे भी थास वेकारी मनुखतयगु ल्याख हे मडु । गुली दु, गुली दु ? सारा नेपाले वेकारीपनि फौज कोख बुईचाया वथान थें दु । थ्व समस्या दूर याये माव, नेपाल उन्नत याये माव धकाव भीसं मुक्त कण्ठं धया तं मच्वँनागु मखु, तर अथे जुउतां भन भन वेकारी वृद्धि जुयां च्वँन । थ्व गथे जुल ? थुकिया ज्वलन्त उदाहरण तं भीसं खँना हे च्वँनागु दु कि सरकार, जनता, संस्था (वर्गीय अथवा राष्ट्रीय थ जुयेमा), आदि फुक्कसयानं छगुलि हे लँपु लि-नाव याये मावगु अत्यावश्यक ज्या गुगु खव, वनि न्हापां सिद्ध यायेगु मस्वसँ ज्ञान छम्हसयां छगुलि ज्या यावसा उकियात मेवम्हसयां मजिउ, छम्हसयां यावगु ज्यास मेव-म्हसयां धोका धया जुइगु । गुम्हसयातं शुद्ध प्रजातन्त्र मावसा, गुम्हं जनवादी प्रजातन्त्र मावपि आदि जुल । अले गनं भीयास उन्नति जुइ, गथे भि जुइ, वेकारी समस्या गनं दूर जुइ ? खुं वढये जुल, दाखुं वढये जुल, देव-गले गजुलि मंत, थये जुल अथे जुल-छाये मजुइ ? छपे मनसँ छजोल मतिउसँ सं मनुखया निर्वाह जुये फइ मखु-थ्व ध्रुव सत्यगु खँ खव ।

म्याट्रिक, आइ. ए., बि. ए., आदि जुउपि नापं वेकारी जुयाव कर्तव्य मार्गे सीमित जुये मफु । याकलचाया छगोल प्वाथ जायेकेत मोहल छतकां मचाव । दुहां वइगु धालसा कउ-बागोल नं मडु । अले गनं निर्वाह जुइ ? अले नये मखँन, तिये मखँन । अथे जुसँलि थ्व त्यव व मत्यव धयागु हे छु देइतिनि ? बस, वँन लाव थास खुल, दतले नल मद-पैवं हानं खुउ वँन । थथे हे जुयाव भी थास अशान्ति न्यँना

च्वंगु खव । नये दुयास, तिये दुयास जुल कि न्ह्याम्हसयां नं बाकी मतव ।

थौंकन्हे गुलीखे प्रगतिशील व्यक्ति धायेका च्वपि फुक्कं छकोल तूफान वव थें बल, हानं इमिसं मौनव्रत धारण यात । छम्हसयां भिभु ज्या याये त्यंसा मेवपिसं उकियात लिच्वासा वियाव कार्यान्वित थाकेगु मस्वव । न्या ववसा ल्हात न्ह्यत्रियेकइगु, सपं ववसा लित्रियेकइगु धाव थें भि जुइगु छु लक्ष खँने दत धायेव मेवम्हसयां नुनल सुयेका हइगु । छकोल हालिइ, ककयति जक तुच्छ धानये याइ, थव जक गुलीं ज्या याइम्ह थें च्वंक । तर मभिगु लक्ष जुउसा ज्ञान थव लिचिलाव ककयति अवगाल नकेगु ज्या याइ । सं छम्ह व्यक्तिया पाटीं सर्व जन हिताय ज्या यावसा वयागु नीति गथे यानाव स्यके धकाव मेवपि जुइ । फुक्कं जनताया हितैवी जुयाव पिहां वइम्हसयात नं थ्व व्यक्तिगत स्वार्थ सिद्ध याइम्ह धकाव जनतास भ्रम स्यंका विइगु । छगुलि माव आदर्श सिद्धास्ते दतये जुयाव सामूहिक स्वार्थया लागी ज्या यावसा थन गुली भि जुइ ? तर थव थव ल्वायेगु अ-र्थात गृह-कलह (Civil War) जक जुल । अले छु माल ? “ भाइ फुटे गँवार लुटे ” धाव थें वेकारी वेकारी हे गरीब गरीब हे तु जुया च्वँने माल । समस्या छु हे भिगु गतिस परिवर्तन मजुउ ।

सरकारयात जनतायागु सहयोग मडु थें जनतायात सरकारयागु सहयोग मडु थें न जनता बल्लाव न सरकार हे बल्लाव । फुक्कं ग्वाथुला चलाक ला जुया जुइगु । अले छु याये ? थव कपाले किसि मखं, ककयति कपाले सि खंका जुयां छु याये ? गुकथं यानां देशे अशान्ति दूर जुइ, गुकथं यानां वेकारी समस्या तँना वँनिइ-थ्वहे सियेकाव आम जनता व सरकार एकत्रित जुयाव ज्या संसा जक भी थास भि जुइ । तर थ्व ला न्ह्याम्हसयां नं सिउ कि ज्या याये माव धकाव न्ह्याम्हसयां नं धाइ, तर न्ह्यचिले बेलसं मडु ।

थौया घडीस भीत दुगु स्वतन्त्रता हे गुमये जुइगुया लक्षण खँने दु थें च्वं । खाली भीसं जुजुयात जक धयां नं छु याये, मञ्चे भाषण याना जक जुयां छु याये ? मुख्यतः भी थास गुगु ज्या यायेगुया बन्दोवस्त मिल्ये जुया च्वंगु दु, उगु नि कार्यान्वित याके फये माव । गुवेले व ज्या जुइ, अले तिति वेकारी नं न्हना वँनिइ, गरीब नं मदया वँनिइ ।

वेकारीतयगु हे अवस्था कयानं साहित्य च्वया च्वँना, तर च्वयां जक छु याये ? नाँयया न्हेवने मेस हवयेगुया छु परिणाम खव, व हे परिणाम भीगु जुया च्वँन । चोरी, डकैती, घूसखोरी, भ्रष्टाचार वढये जुल धकाव जनताया सल वयां छु याये ? सले पिइम्हं मयाक धयाथें वेकारीपि दु । इमि अवस्था खव, सुये नवसा वहँनिस नयेत मदु । ४५ तकाचा जागीर नयेत नं थवके योग्यता दयेका नं खुला या दँछिया तलव न्ह्यचाके मावसा गुकथं वेकारी मदया वँनिइ ? भन वढये जुये बाहेक घटये जुइ मखु ।

हानं सिनेमा आदिया आविष्कार वृद्धि जुयां च्वँनिइ, थुकिया द्वार भीत फापदा जुयेया पलिसा अपाल हानी हे जुया च्वँन । नेपाले सिनेमा वढये जुउगुलि हे छगुलि वेकारी व गुण्डाशाही वढये जुउगु खव । सिनेमां भीत उगु ज्ञान स्पँनिइ थुगु ज्ञान स्पँनिइ, अये याइ थये याइ धाइ, तर वास्तवे सिनेमा स्वयाव उकि ज्ञान थुयेकाव ज्यास स्थलाव प्रगतिशील जुये फुपि व्यक्ति सले ५ म्ह हे मदु धालसां जिउ । खाली वहे तरगीम, मधुबाला, आदिपनिगु खवाल स्वइगु व इमिसं मुक कण्ठ स्पे हालिइगु न्छँनिइगु आदि हे अपालं जुया च्वँन । सिनेमां भि या हे मयाव धयागु जा

धापु मखु, थव अपाल जुउगुलि थौया नेपालया लागी थुकि भि मयाव धायेगुलिस छु शंकोच मदु । बांलाकगु सिनेमा वल, धेवा संत अले न्ह्याम्हसां खँ जुल । आखिर मजुइगु नं गुकथं ? न्ह्याम्हसया नं बांवांलाकगु स्वये हे यइ ।

साहित्य प्रचार याये धकाव भीसं थौं गुजोल गुजोलगु गोसाल ग्वया वया च्वँना । तर दँछिया सलं सल मोहल तका वेकारे सिति छुये फु, नितका पितका वियाव पत्रिका छगुलिया ग्राहक जुइगु मखु । थुजोलगु अवस्थास भीसं साहित्य प्रचार याये मफुगुया उदाहरण थवहे खव कि अपालं मनुखतय साक्षोत्य पाखे थद्धा ह्य हे तिति ।

उकि झीसं थौं गुली गुली मभिगु समस्या फुक दूर यानाव देशा देशे गुलीखे उन्नति जुल—व स्वयाव हे झी थास नं सामाजिक व राजनैतिक हरेक क्षेत्रे उन्नति यायां झीसं यँकेगु स्वये माव । न्हापां वेकारी मदयेका छुये फयेके माव, तत्र भि याये फइ मखु । उकि भीसं प्रजातन्त्र शासन कायस यायेत न्हायकं दयेकं तृथिस कस्वयेगु ज्या मयासे सरकार, जनता, आदि फुक एकत्रित रुपं सुसंगठित जुयाव गुगु ज्या यानां वेकारी समस्या मदयेके फइ, सुशास्त्री कायम याये फइ, उगु ज्या सियेकाव यायेगु भीगु मदिक कुतल जुये माव । थुकथं हे नेपालया निति याकनं हे उन्नतिया लँपु चायेकाव न्ह्यज्याना वँनेगु झीगु थौया सच्चा मानवीय आदर्श व उद्देश्य जुये माव । अस्तु ।

× — × — ×

दुधा:

—भाजु एन. के. “रोशन”

मिथ्या जगतय च्वने व्यरथ खनि

आ: खबयेगु जकं जुल थुगु जुनी

जि यो:गु वहे सौरमापृत नं

विष जुया:जकं थउँ न्होने वल

गुलि आश कया:गुलि भावलुल

तर, हाय ! थुकि जिगु नुग:वल्ल

वैकल्यं खयेका: स्वाये मा:गु थन

ख:, धै जूसा च्वने कष्ट ननं

जीवनं दुवातय तडपय जुजुं

प्याखं हुयि जि थउँ जग न्हिइकं

छुमाँ

—भाजु ईश्वरानन्द श्रेष्ठाचार्य

ए दीन-हीनते छ्योंया त्याथले
गया च्वंपि, वना च्वंपि च्वय् च्वय्,
नांगा पचिंपि, — कां, खू, धुसित
दुया शक्तिया जा थुया च्वंपि
“अभनं स्वे मखुला मिखा चाय्का ?”

हाना मदुपि, कतामदुपि—
दुया नरमेधया फल कया च्वंपि,
ए सुलुप्या, ए भ्वरि खाका च्वंपि,
ए पिचुरुवा, ए तुगः बँचुपि,
“स्वे हे मखुला अभनं थुखेर ?”

शक्तिया अय्ला चुचु प्याना
प्याखं मीमया स्वे छु मगाःनि,
यना पलंगे मि-बोलागु
ह्वासे अभनं हंके मगाःनि ?

ए लायकू दबुली प्याखं ह्वीपि
गं घानातःपि लामनः भौत
लाय् फैं मखुत स्वैतं गवलें
चाय् धुंकल मिखा, थ्वी धुंकल छुं ।
“लाय् धका आ सुलु हे पुइस्वा !”

न्यंक भनं थउँ ‘वल बलया’ सः
खल बल कोलाहल प्यख्यरं ।
ग्वालि ग्वालि वा जित बचेया,
द्वाइ माराज्या सः छु मताला ?
“आम ख्वाय् पहलं छु पवना च्वंगु ?”

छपय् छभ्वाया निरिति दनदन
च्यागु सिप्वाया जः छु मवः ला ?
छजु पुने मखना, थाय् वाय् मदया,
सिना च्वंपि थौं गुलिखे, न्यँला ?

कुळा मुगलय् हिरा सुव्वाया छँ
तुपतं ख्यानां खुल हँ धाःगु,
जुजुमां साहुयात स्यानां उखुन्दु
सुच्चुक सर्व ल्हल हँ धाःगु,
दिव्यरत्नया ससुपुजा या थाय्

वःपि मिमाते न्हाय्पं चातहँ,
इचंगु वनेथाय् द्विनी छहसित-
स्याना तल हँ पामोलं कय्का ।

“मताला, रुवाय् पह सिक्के सौगु ?
थी मफुनि गो जिमित धयाला ?”

८

कणधार ए फुक जनताया,
सुत्रधार ए उन्नति पथया,
हंका उन्नति देशे हइपि,
स्यंका आसे आ भिके धाइपि,
सले तले अफ वनेत स्वइपि

इमाँ थें च्वे च्वे मन्दः काइपि ?
“न्य, तिस्सलं हाला हःगु सः न्य !”

६

चतंया औलं कय्का च्वंपि
ताला ज्वरे हाला हःगु तिस्स
“ने माल, ने माल, नेगु हकि
पित्यात, पित्यात प्वा म्बे घात जिमिगु ।”

१०

“नय् माल म्वाय्, हकि छुं जिमित
सर्गः यागु नगु सां मुना हि,
सिना हि अथवा गुंया सिमाहः
यावा पवः कुचा कुचा थलाहि
नय्माल हि, नय्माल हि जिमित

११

छयंगू केँ वरु सेँ प्वाय् सां हि ।”

मुलुं तिया धुं, भालु नं स्याय् फु,
सिन्कां नं किसि लेँ थने फु,
जिमि वपिक्वेँ नं न्वः नाय् चुपि थें,
रुवःचा सिवे जिमि लुसि जःजू !
न्हागुसां न्हाक्वसां हि प्वा थने हि;

१२

सा-भि दुरु-बजि, महि-चहि मधया ।
न्हागुसां न्हाक्वसां आहे हि;
छयंगू केँ वरु सेँ प्वाय् सां हि ।
थौं हे थथें आ हे हि ।

१३

खबरदार, मखुसा तोता हुँ,
सिन्कां थिना व्हे म्वाय्क चिला हुँ,
मुलुं ध्वेपी म्वाय्क विस्युं हुँ,
लुसिं थी हे मलाकं सू हुँ,
थौं हे थथें आ हे हुँ ।
तोता हुँ आ थथें हे हुँ ।

१४

भड्गु सफुलि

— रे. र. न. 'स्यस्थ

गुलि दये धुंकल जि थवगु सफुलि (चिना-खँ-मुंना)
पिकाये धकाव कुतल याना च्वेनागु, तर जिगु कुतल अथें
हे सिंति वँना च्वेन। थवगु सफुलि पिकाये मखँनाव जि
हिइ मिइ हे नं चाया च्वेने धुन। छन्हु मखु निन्हु मखु—
गुलिखे मनुखतयत खकोलखे धाये धुन, हाले धुन, बा: बा:
धाये धुन; तर सफुलि थाकेत चन्दा धेवा छगोल हे ववगु
मखु, ववगु हे मखु। खालि वड्गु भयागु आशा हे जक।
थवहे खं म्हायापुने च्वेनाव छन्हु थवगु चिनाखँ-मुंना च्वया
तियागु कापि पुत्त पुयेकाव स्वया च्वेना। थवगु चिनाखँ
स्व स्वं जित: इन दिक्क जुया वल। थवगु छपा लहात न्हकुस
बिकाव भुकुहुँ पयतुना च्वेना। न्हेवनेसं मां वयाव जिके
न्येन—“अये बावु! छु याना च्वेनागु? ...जि खको धाये
धुनका, न्हावावेले आमथे। उपाये धिक:म्ह काय जुया:...
छेय स्वयेगु हे मखुत ला? ...हँनिइचाला सत्य नं जाकि
हे मडु...जि सुयात छु धा: वँने आ:...छत मधासँ ?
जिगु म्हुनु छगुलि ताहाक:गु सासल पिहां वल। जि थवगु
लहात लिक्काव दँना अले इयाले पयतुना: चुक पाखे फहि-
ला। मामं धया हे च्वेन—“बावु! आमथे जुयां, पार्टी
सँना, सफुलि च्वयां, उखे थुखे वँनां छत छु दत धकाव ?
झीत छु दत धकाव ? ...भीत न्हावेले प्वाय फुसलु,
छे म्हाथल...। जवला खवलापिनि दथुयि गुली बांम-
ला:; सकसयां न्हेवने क्रमाले जुये मा: ; सकसयाकें
हेला...थव छु फुक्क छं तुगलं गथे मखगु ? ...गथे
खँनानं तुलु तुलु स्वया च्वेने फुगु ? ...” मांयागु खँ
न्येन्यं जित गथेखेसे दुख ताया वल। दुख पीरया मुलं
म्हळम्हं सुतु सुउथें जुया वल। जि तिइजक दँना इयाल
कस्वया। मामं हानं धयां च्वेन—“धालसा अथेका, छं
लिसल तक विइगु मखु, छपा न्हायपनं न्येना: मेवगु न्हाय-
पनं दवयेका छइगु...ज्याथम्ह अबु मफया: पिहां तक
नं वँने फुगु मखु...जि थुज्यावम्ह जिथिम्ह मां थथे
न्हिन्हि खवया च्वेनागु दु...थव उपायेधिकल ल्याय्म्ह

जुये धुंकल का, केहँजा नापं बिया छये त्यइनका...
छु हे चिउताक दुगु मखु हरे ! छं जिमित गुबेले मुख बियेगु...
...?” मांया खवखना सल भन थहां वल। जिगु तुग:पा हे
तज्याइ थें च्वेना वल। मांया सल जि न्येनां न्येने मफुत। थवगु
म्हुतु-प्वाल तिउ तिउं जि हाला—“का का ! गुलि न्यंका
च्वेने मा:गु व। गात बा: बा:, गात...जिगु पदल
खँनाव मां भुनु भुनु हाहां अनं वँन। जि कुउ नयाव पयतु-
ना च्वेना अले भतिइचा जायेव हाकनं वहे कापि पुयेका।
थुथास लाक्क हे जिमि केहँ असला स्वाराक्क कोथास दुहां
वल। “छु स्वया च्वेनागु, दाइ ! व ? ...” स्वा:-खि:
नं खिउंसे च्वं...हँ”-जिगु लिक्क वयाव असलां न्येन।
“जिगु चिना-खँ-मुंना का, मेवगु छु दइ धका: जिके ?
?”-जि थवगु खवाले च्वंगु खिउं-धोल भचा चियेकाव
लिसल बिया।

“स्वये, जित नं निपु स्वंपु न्यंकिरे। गुली तक बांला:
थें ?”—छेँल संका संकाव असलां धाल।

“जि छपु निपु यायां च्यापु भिपु स्व:स्प:गु चिना-
खँ-मुंना न्यंका। न्यंलिसे असला लसतातां वल। “थज्या-
थज्या:गु का...”—जि दथुस हे तु वाना। “आहा,
चिना-खँ ला साप हे बांला: खँनिइ ! आम सफुलि ला
याकनं हे पिकाये मा:का, दाइ ! ...ख गुबेले पिहां वड्गु,
प्रेसे मवियानि ला ?

“गन पिकायेगु खँ ? धेवा ख पिकायेत ? आ: ला
जि सँना च्वेनागु ? चन्दा म्हुये हे फुगु मखु... उकि ला
जि दिक्क द्वाक्क जुया च्वेनागु...”

“मखु, कुतल यारे। जु हे जुइनि, आयबुये मा:ला ?
“कुतल ला याना हे च्वेनागु दु, आ: भन अपोल
यायेका। सफुलि जुया: पिहां वड् वले ला छ गाक्क दो
लयाइ...हँ !”

“जर, जर। छाये मताइ धका: ?”

“छत उपायचोकं थव सफुलि. यसेलि थव सफुलि

छंत हे छछायेका मजिउला ? अले छ गाक्र हे लयताइ ।”

“जित ? जित छछायेगु ? जित छाये छछायेगु ? थव सफुलि ला न छंगु खः, न जिगु हे खः । थव ला राष्ट्रया सम्पति धकाः खः, अज्ज विरवयागु । छं सफुलि श्रृष्टि यात, तर सफुलि छंगु जिगु सुयागु व्यक्तिगत कोसल मखु । थव ला विरवयापि मनुखतयगु मंकाःगु वस्तु खः । उकि जित याकलचित छछायेगु धयागु छुं जुये फइ मखु । छं सफुलि पिकाये मात्रं, अज्ज चवये मात्रं हे विरवयात छछाःगु जुइ धुकल । थुकिपि न छंगु, न जिगु अले न सुं मेवपि व्यक्तिगु जक हे हक दइ । थुकिपि ला विरवया जन्मसिद्ध अधिकार जुइ ।”

थुकथ असलां थवगु भावना तप्यंक नुनाना हवगु खँना-व जिगु हि नं छकोल काना वल । जिगु खवाल नं न्हापा थें खिउँसे मच्चंसे थिना वल । अले वं थवगु खँ दिक्केव जि छकोल चकगु खवाल फिसिद्रि न्हिला ।

“का जि चाहिउ वँने त्यल ! न्हिछि गुम्म गुलि च्वँनेगु ?”-जि कापि दराजे ततं धया ।

“जि नं लख काः वँने त्यल.....”-धाधां असला नं न्हिला न्हिलाव वँन ।

× × × ×

छं पिहां वयाव जि न्हुउलाछि तितिखेल पाखे वँना । फस नयेगु इल जुया च्वंगुलि धराधर मेवपि मनुखत नं खेल पाखे हे वँना च्वँन । तितिखेल मिये जि मद्राकाल-देव पाखे वँना । उवेले हे लाक रेव !, धावगु सल तायेवं जि देवपा पाखे थयेक फहिला स्वया । मद्राकाल देवया धासं मलखरतनं जित सःता हवगु जुया च्वँन । जि सुरु सुरु वयाथाय वँना । जि न्हवने थ्यँनेवं वं जिके न्यँन-“गन वँने त्यनागु, रेव ! याकलचा चाहिउ वयागु लाकि ?”

“थुवेलेति थन चाहिउला वइनि सकले । वरु जि सिबे नं छ याकचा थें च्वं । जि ला न्हावेले एकलालव्य हे जुलनि । जि पासापि हे सुंदु धकाः ? तर अजुगति ला थव धकाः, न्हावेले पासापि लिसे वइन्ह थौं छ छाये

याकचा ?”-जि न्हिले थें थानाव न्यँना ।

“जि नं याकचा छ नं याकचा जुउगुलि ला, भी निम्हं थउँ नापं चाहिले धकाः सःतागु ?”-वं नं अथे हे थानाव लिसल बिल ।

जि ख्याल थें छकोल न्हिलाव धया-“छ स्वये हे सुटेइ बुटेइ, जि थथे भ्वायलम्ह नापं चाहिले बेले छंत वामलाः मजुइला ? छ लिसे वये त्वइला वरु ?”

“का तोःति वेकःगु खँ ।”-थथे धाधां वं तिइजक पलाख न्ह्याकल । जि नं नापं पलाख न्ह्याका । तितिखेल सिथं सिथं निम्हं खँ ल्हा ल्हां वँना । वँवं मलखरतनं जित धाल-“रेव ! छके जि छता खँ न्यँने माःगु दु । अँ, थवनि धारे न्हापां थौकन्हे छु याना च्वँना ? कलेज नं मवं धावगु न्यँना, पार्टी नं मसं धाःगु न्यँना । खालि साहित्ये हे जक सँना च्वँनागुला ?”-थवगु खँ थवम्हं त्वाथलाव वं जिके न्यँन ।

“रव ? अथे हे का, छुं यायेगु स्कोप मदु । स्कोप दुसा धकाः छुं याये फइ.... जि ला साहित्यिक जगत नं सिना हे वँने मालिइन थें च्वं ।”

“छाये, उपायचीकं आयुबुये माःला ? जुयाहे वइनि । मेव मेवपित अथे मजुउ । छंत जक जुइला ?”

“मेवपि नं जि थें ठे खःनि । छछाक भयेत, छजु पुँनेत इपि नं ला आसु आसु जु हे जुउनि ।”

“मखु छला जिमित जक डाह याइगु खँनिइका-लाय-मि (Capitalist) धकाः । जिपि थें मोज मज्जाय छिपि थुञ्जोपि राजनैतिक अले साहित्यकारत च्वँना च्वगु गुलीखे दु, गुलिखे.....”

“वइ छम्ह निम्ह अज्यापि सामन्त अले क्यापिटलिष्ट राजनितिज्ञ व साहित्यकारत.....”-जि मलखया खवाल स्व स्व धया ।

वं भतिइचा खवाल ह्याउँकाः धाल-“छला तप्यंक तप्यंक हे बोः बिये यः खँनिइका ! छ हे विचार याना स्वरे ! फलानाम्ह धिस्काम्ह जन-नेताजु धाःपि, जन साहित्यकार धाःपि, जन कलाकार धाःपि चुईक अले

टम्म लं सुरूवाल फिनाः, कश्मिराया कोटं कस्सिकसाउ जुयाः इपि न्ह्याबेलें मजुउला ? इमिसं होटले ग्रामलेट नं ला वाकी मतःनि । भो थें ह्याय्महपिसं ला सुटेड बुटेड जुयेगु नं म्ह मयाः थें । गथे खः लाकि मखु ?”

जि वयात लिसल बिये मफुत । वयागु खःगु खं जिगु ख्वाल् ह्याउंसे च्वंकु च्वंकु खिउँका बिल । वं धाधां वैन -“जिला थये धकाः धयागु.....विचार मयासे जिमित जक छ्याछ्या याये मतेरे ।”

“छु याये ? परिस्थिति हे थये जुया च्वैन-” जि तिइजक नु वाना । हाकनं वं छथुं जिगु खं त्वाथलाव धाल “मखु, थ्वला स्वाभाविक हे खःनि । सकसियां थवपिनि नि छिकइ । छं नं थ्वहे नीति ज्वेने माःका वला । अले धकाः छंगु लं बांलाइ, छंगु नसा साइ, छंगु ख्वाल चक-निइ ।” वं भेव पाखे हे खं व्वाके त्यन-“मनुखयाके बाथल नीति नं दये माः, खालि त्यागी जक जुयां छु याये ? थव हे जक गाले दुना च्वेने मालिइका । अं म्वाल्का, खं थन थ्यंक छाये ताहाक याये ? छंगु नि खं बांलाक्क न्येने का । छं धाथे छु जक यानाः न्हि फुका च्वेना थौकन्हे ? थव नि धारे ।” वं हाकनं थवगु खं दिकाव जिगु खं न्येन ।

“भव, जि ला धाये धुननि । विशेष साहित्ये हे लहात तया च्वेनागु खः । आव ला वाक्क हे दये धुकल । थुक्पि नं सने मासिति मवल । सफुलि छगुलि थाके बिये धकाव सं जुयागु गुलि दये धुकल । पिकाये हे मफया च्वेन । गुलिसिके चन्दा पर्वने धुन, गुलिसिके झिपचि जोडये याये धुन, गुलिसिगु चाकरी धयाथें हे नं याये धुन । सुनानं हे बिउगु मखु । बिउ जिउ धाइगु, तर, थउं तक हा जक हायेका तइगु सिबे सुनान बिउगु मखु । न्हिन्हि थुक्पियां निति सैना च्वेने धुन, अथे नं काये फुगु मखु । आः ला निराश हे जुये धुन । नेपाल भाषाया प्रकासन पालात धालसा नाम जकया, न्ह्याबेलें घेवा मदु । व मदु, थव मदु-छु मदु छु मदु जक धाइगु । अथे धाये धालसा थुमिसं नं सफुलि पिकाव हे च्वगु खैना, खाली ख्वाः-पाः दुपिनिगु जक अले थव थवपिनिगु जक पिकाइगु । धाये धालसा छु धाये थुमिगु नं याये फक्को चाकरी याये धुन । सफुलि वयसा

सकस्यां बांलाः धाइगु, तर पिकया बिउ धकाः खं न्ह्यथसा आलताल याना व्छइगु । पिकया बिये धकाः पक्का पक्कि याःपि हे गुलि व्यक्ति व संस्थां भुलये जक यानाः धोका बिया च्वैन । आः ला तचोकं हे जुये धुकल-थव जीवन ला छु धयाथें गथेखेसे च्वेना वये धुकल । न्ह्याबेलें वाथा वाथा कैन च्वेने माः ।”

मलखरतन छकोल कछुछु वैन अले वं बुलुहुं धाऊ-“उखुन्हु छं पिकाये धयागु चिना-खै-मुन्ता, ला ? जिके नं छकोल छं चन्दा पवडगु खः थें च्वं । वहे ला ?”

जिगु ख्वाल छकोल खिउँसे च्वेन, खोबिलु ख्वाल फिसिहि न्हिलाव धया-“वहे ला खःनि । आतक पिकाये फुगु मखुनि । छिपिला साहु जक मखु पासापि नं खः अले वहे भाषाया जाति नं खः धकाः ला तःधंगु आशं चन्दा पर्वनागु, तर व आशं नं अथेका । आशाया खिपते हुसलु पुयेगु हे बेकार थें जुये धुकल ।”

व थवगु दों चाया वः थें याना वयँन अले मछालाव न्हिले थें यानाव धाल-“मखु, म्वाल्का अत थ्यंक छये खं ? वि हें बियेनि । स्वयेका, छं अत थ्यंक धासेलि ।”

जि हाकनं वयागु खं त्वाथला धया-“छु स्वयेका ? गुलि स्वयेगु ? न्ह्याबेलें स्वयेका, स्वयेका हे ला खःनि । जिमिसं गुलि दुःख सियाः सैना च्वेना । छं नं जि थें जुयाः छकोल स्वःसा सिइगु खः ।” जि भचा आदेशे ववगु खैनाव वयागु ख्वाल ह्याउंसे च्वेना वल । वं ‘मखु’ धकाव छु मसिउ धाये त्यंगु, जि थवगु खं द्यततं वैन-“छं धा । छं छम्ह साहु जुयाः नं, छम्ह शिक्षितम्ह मनुख जुयाः नं थ्वहे भाषा त्हाइम्ह जुयाः नं अले छ जिमिहे पासा जुयाः नं स्वाहालि मयाःसा मुनां स्वाहालि याइ ? अले सफुलि गथे पिहां वइ ? अले जिपि थें न्याःपि वाथा वाथा कनाः हुतोस्सिह गथे मजुइ ? उडि जि छकोल छंत धाये अछं, दया दुसा जिपि थें न्याःपि चीमितयगु ज्यास स्वाहालि या, छं थवगु भाषास मतिना दुसा थवगु भाषाया ज्यास स्वाहालि या, छं थवगु देश व समाजयात थकाये यव धयागुसा साहित्ययात स्वाहालि या अले छं थव पासा पाखे मतिना दुसा जि थें न्ह्याःम्ह पासायात वयागु मि

ज्याया निति ग्वाहालि या ।...मेवगु अपाल छु धाये ?”
जिगु खँस आवेश जाजां ववगुलि जि काचा काचा थवगु
खँ दिका ।

“जितः नं छं थुपायचोकं आवेशस वयाव लेकचर याये
मावला ?” जिगु लहात ज्वँज्वँ वं ग्वाहाव नु वात—“वि
हे बियेनि.....सुत्तु सुयाव.....स्वरे, छु धाये ? गुली
माल का धा ।”

जि तस्वव ख्वालंसां फिसिहि ग्वाहाव धया—“अपाल
छु माव धकाव उपायेचा धगु सफुलियात । २०० तका
दुसा कुगा ।”

व छकोल कछुनाव धुरय जुजु वँन अले थस्वस्व
धाल—“जिउका, तर जिके थथे न्हेवने मदुनि । अँ, छता
ज्या थारे छ । स्व, कंस जि कलकत्ता वँने त्यँना । अनं
जि छवाल धुंकाव लिहां वये । अले छंत नाप लानाव खँ
लहाये अले बियेका मजिउला ? थथे हे याये मालिइका ।”

जि वयागु खँ न्हायपनं न्यँ न्यँ वँना । ख्वाल कय बँस
स्वस्व वँना, छँल नं मल्लना । छँ लिसल नं मबिया ।
जितः गथे थें गथे थें गथेखेसे च्वँना वल । कछुछँ नाप नाप
वँना । भीतइचा जायेव व हाकनं धाल—“खँ पाइ मखु,
रेव ! छ निस्फिकि जु । मजिउला ?”

जि बुलुहुँ धया—“जिउ, स्वयाव का ! जि थथे हे
धकाः धायेत छु अधिकार दु धकाः ? धाये मावगु धाये
हे धुँन ।”

जिपि खँ लहालहां तिनखेल छुचाक चाकहिले धुँन ।
अनं हाकनं न्हल—लाछिया धवाकां दुहां वया । वँव वं
धाल—“मखु, रेव ! फलानाम्ह नेताजुयात सरकार ज्वंगु-
लिस छिमिस छु विचार मयानाला ? छु नु वानां बिये
मावगु खव । सरकारयात बोल बियाव छगुलि निगुलि
पर्चा च्वरे ।”

वं ग्राव थवगु खँ न्हायना हवगु खँनाव जि
धया—“मखु, सरकारयात ला जि अले जिमिस बोल बिया
हे च्वँनागु । तर धिस्कां नेताजुया निति.....रव, वं
जनतायात छु बांलागु प्रोग्राम कयगु मखु ? सँने हे मछि...

जनतां वयात पत्यार मयाव । पूंजीवादी नेता धाइगु ।
उकि वयागु खँ कयाव ला जनतायात थँने हे नं थाकु ।
उली जक मखु, म्हायां म्हाछि वं जिमित तक नं बिस्वास
बिये मकु । उखुन्हु तक सरकारया हे लिधंसास च्वँनाव
वं जनतायात कोत्यल । अथेसां नागरिक अधिकारया हनन
यानाव सरकार पलाख छिउगुलिस जा विरोध हे याना
च्वँना । खालि संघर्ष जक थथे हे धकाव धाये मफुनि ।
व नं परिस्थिति स्वस्व वँने । छु याये मालिइ, याये का ।”

वं जिगु खँ दियेव धाल—“मखु छं थवगु व्यक्तिगत
तामं वयात बांलाक समर्थन यान पर्चा च्वयाव बिउरे
मावगु धेवा बियेका । जिउसा थउँ हे च्वयाव जि थाय
वा । कन्हे प्रेसस नाप वँनाव थाकेत वँनेका । वयात ला
याकनं हे तोतके माले धुंकल । जि मेवपित न धया
तयागु दु । जि छु लिसल मबिसे कथिइक धुरय जुया अले
नु वाना—“जिउका, छँय वँनाव विचार यायेका ।”

“मखु, जिउका मखु । कन्हे हे सिधयेके मावगु ; जि कंस
ला कलकत्ता वँनेगु । अन कोठी सवता हवगु दु । फलसा
अन च्वपि नेपालमितयत नं प्रचार याये ।”

“जिउका, जि च्ववसा कन्हे छँय वयव कय वयेका.....”
फमिकेव वँनेगु लँ थ्यँन । “का जि ला थुखेर वँने—”
पयात दिनाव वं धाल ।

“जिउ जि थुखेर वँनेका । बाय, बाय ।”

“कासा हि । बाय, बाय !”

व गल्लीस दुहां वँन । जि लाछि सुरु सुरु वया ।
थामस मत छप्वात निप्वात च्याच्यां वल । छँस वयाव
जि सफुलि याकनं हे पिकाये दइगु थव न्हलगु ग्राशा अस-
लायात बांलाक कँना । असला नचोकं हे लसताल ।

× × ×

मलखरत्नयात भौत च्वया बिउ धावगु जि च्वया
मबिया । च्व नं गथे च्वया बियेगु ? धेवास राजनीति
सँनेगु बांलाकगु खँ मखु । छम्ह लायमि (पुंजीपति) या
निति जि थवगु कुर्वाणी यायेगु थव ला साप हे
जिगु सिद्धान्तया अखत खँ जुल । न्हापां च्व हे च्ववसा

जितः जनतां छु धाइ ? मावसां म्वावसां प्रतिक्रियावादी
 धायेकेगु ला ? उकिं जि कन्हें खुन्ह मलखरतनया थास
 वैन मवैना अले वयागु कलकत्तायागु खँ जवैनाव पिया
 चवैना । तर निला दये धुकल, मलखरतन हे न लिहां वल
 न व जितः पति हे चवया हल । थव निलाया दुने न जि
 फक्को उखे थुवे सफुलिया निति धाव जुया हावहुँ जुया,
 तर न्हापा गथे अथे हे.....ज्यास सुनान न्हाहालि यावगु
 मखु । खाली खँ जक । लाय्मितयगु व मेवपि ज्या
 याइपि खलकतयगु फताहा खँ, धोका, ढोंग व इमिगु
 अमानुषिकता खँनाव जि आस जक बुउगु मखु, जितः इपि
 खँनाव बाक्क हे वल नुगले दुने तं नं । अथेसां जि पिने
 सुयातं छं मभया, सुयागु चकनास मवैना । जिगु छं चावगु
 नं हे ला मखु । तर असलां जितः मलखरतनयागु पति
 मववला धकाव न्हिन्हि दयाप ध्याप याइगु । छु छकोल
 चवया व्हरे धकाव न्हावेले हाव वया चँनिइगु । वया
 थव सफुलि पिह्नां वइगु स्वये गुली यत्र गुली यव । थवगु
 निति सिबे नं जि वयागु निति हे गुली कुतल याये माला
 बँत-थव जि हे जक सिउ । आखिर जि हाकनं छकोल
 मलखरतनयागु पति चवयेगु बिचार याना अले धाये माक्को
 थयाव छपति पति व्हय्या ।

× × × ×

न्हाको हे आस यायेगु तर भरे मचवैनेगु धालसां
 छन्हु पिउपिउं निन्हु पिउपिउं लछि लिपा कलकत्तां मल-
 खरतनयागु पति वल । गुकु कुहां वैन थुकुउगु आशा
 रवैकुसां थहां वल । काचा काचा जि पति पवलाव स्वया ।

पासा रेब.

कलकत्ता

छंत जिगु भित्तुना दु ।

छंगु पतिया लिसल याकनं बिये मफुत । थौ चवया
 चवैना । मेवगु खँ छं मखु । छं थवगु सफुलि थाकेत धेवा
 पवैना हवगु खँयात जि बांलाक्क बिचार याना स्वया ।
 जि छंत चन्दा बिये धयागु खः थें खः थें अवश्य चवैन ।
 तर निसल मछि दां जि गुबेलें बिये धयाथें मचवैन । अथेसां

छ पासा खव चन्दा पवम्हसियात गथे बिये मखु धाये ।
 दा १० तका लॉ बिये हे मालिइ । तर छता खँ दु । छ जि
 थास छेंस वँनाव मांयाके १०० गल चुरथ पेटी काव
 हुँ अले व १०० गल चुरथ मियागुया १५ तका दा छंत
 ज्याला जुल । बस वहे जुलका छंत चन्दा, मजिउला !
 मेवगु छं ग्रामकन हे मेव मेवपिके पवनाव खाकि ।

छम्ह पासा.

मलखरतन ।

पति ववैवं जिगु मिखा ह्याउंसे हिइया वल । मिखां
 छु मखैन । तमं वा क्याररर न्हयाः पति भयाररर इयाररर
 खुना व्हय्या । जिगु म्हाया हिनुलिस असह्य दुःख जुया वल ।
 आखिर इयाले पयतुना छकोल कुउ नया । जि चाल ।
 मेवगु छं मखु, मलखरतनया नेतायागु पर्चा जि चवया
 मबिया । थुपि लाय्मितयगु ज्या हे छु दु धकाव ? थुमित
 धन लाभ जुइगु ज्या याना बिउसा जक थुमिसं थवपिनिगु
 लय्पुल्यं हुया फुया चिप चाप छु भतीचा भीत बिल, इमित
 छु ? जि थवगु सिद्धान्ते मलख एक्सप्लाइड (शोषन)
 याके मबिया । थवहे मखुला जिगु दो ? जि थवहे खँ लुमंकु
 लुमंकु पुतुहुँ कुउ नया चवैना । अले सरासर थहां वँना
 भुतुलिस चवैगु मत च्याकेगु थल व देशलाइ जवैनाव
 कोथास कुहां वया । ध्याक्के लाक्क कुं पवाल् वयेक मत
 च्याका । जरूक्क दँनाव घाराक्क दराज चायेका जि थवगु
 ल्हातं चवया तयागु सफुलि पिकया-वहे चिना-खँ-मुना
 म्ह पिइसे चवैना वल, नुगल हिइसे चवैना वल । जिगु
 खिउंसे चवैगु व खवगु खवालं अले थर थर खावगु ल्हातं
 जवैना तयागु व सफुलि छकोल कथिइक स्वया । जिगु
 मिखां खोवि सो सो वल । थवम्हसयां चवयागु धया थें
 जित थवगु सफुलिस साप मतिना वैन । जि थवगु नुगलं
 मफु मफु काचाक्क सफुलिस चुप्पा नया अले थवगु नुगल
 पास दिकाव घयपुना । जि मफुमफु हाकनं छकोल थवत
 थाते हयेत कुतल याना अले सफुलिया पति छपति निपति
 खुबुं मतया मिस नयेका । भौत मि थिल । जिगु चिना-खँ
 व्हल अले भौत नाप नाप चिना-खँ नलि जुल । मतया

नाप नापं भोंत व्दवगु कुं त्याः त्याः थहां वया च्वैन ।
थवगु मिखां तुलु तुलु स्वस्व जि थवगु कोथास दिप
(मशान) दयेका । थवम्हसयां श्रुष्टि यानागु चिना-खैयात
मिस तया । छपति निपति यायां सफुलि च्यापति ज्ञिपति
पाव जुजुं वैन । आव जि पिपति न्यापति पिपति न्यापति
खुनाव नं मि नयेका । अले गुलीं व्दव्द नलि जुया वैन,
गुलीं भुयुसे भेना वैन । उथास लाक्क लुवां स्वाराक्क
असला दुहाँ वल । जि काचाक्क कापि पँ हे मत प्वाते
थिइका । अन च्वंगु दृश्य खँनेवं वं नु वात--"स्वये, चिना

खँ थँ च्वं । यमां ! ख हे खवका । स्वये, छु यानागु व ?"
असलां जिगु व पिने पिनें भेने धुकुउगु कापी काचाक्क
लाका काल । जि ननि हे मवाना । " का स्व ग्वपतिमद्धि
व्दयेके धुकले खँनिका हरे ! " सुकु सुकु खवयाव असलां
थवगु मिखां खोवि सो सो बाल वयेकल ।

जि छकोल गथेखेसे खाल कथिइक असलाया खोवि
स्वया अले काचाक्क निपा ल्हातं खाल त्वपुयाव छकोल
कुउ नया । आखिर जिगु मिखां नं खोवि दिके मफुत ।

× × ×

स्वयम्बर

—भाजु चक्रानन्द

१ वा प्रिये ! भी स्वयम्बर याये वा ।
थःथिति पासापि जन्ती मवसां,
सुपाय्या जंति भः भः धाई ।
चिलाख ज्वना नायूत मवःसां,
ल्यू न्ह्यो पल्पसां जः वियोहयि ।

३ वा प्रिय ! भी स्वयम्बर याये वा ।
गसि गना बैसां स्वां मवाः जुउसां,
नगुया स्वांमार जनीं हना हयि ।
होकेत भी पुरोहित मवःसां,
संध्यां भीः ल्हा अस्वा याना बियि ।

२ वा प्रिये ! भी स्वयम्बर याये वा ।
पञ्च वाज्या स ताये मदुसां,
घननन घननन नं न्याना वयि ।
लसकस यायेत मां तता मदुसां,
कलस ज्वना वयि मय्जु निशा ।

४ वा प्रिये ! भी स्वयम्बर याये वा,
चवनेत थाय् थन गनं मदुसां,
पुन्ही मिलाया भी लासा दु ।
नये त्वने यायेत छुं हे मदुसां,
आशां भीत ला स्वाका तयि ।
वा प्रिये ! भी स्वयम्बर याये वा ।

“थौंकन्हे” यात निबन्धात्मक लेख बियाव
मां-भासया धुकुति जायेका दिसँ ।

व्वसा धर्म

- भाजु रामबहादुर श्रेष्ठ

भीगु नेपाल देशे आदि कालं निसें व्वसा धर्मया प्रचार जुया वया च्वंगु आपालं खँने दु । आव तक नं वहे व्वसा धर्म अपालं नेवालतयसं याना वया च्वंगु खँने दु । थ्वहे धर्मो अपालसया आव तक नं बिश्वास दनि । भीगु नेपाल देशे पश्चिमी फम दुहां वसेलि थ्व धर्मो छुं आलोचना पिहां ववगु खव । अयेसां ज्याथ जिथिपिसं नं पश्चिमी फम-यात हे लानाव थुकि स मिखा व्वसा वया च्वंगु दु । न्हुल ल्याँचम्होपि भाजु मयजुपिसं पश्चिमी फमयात सत्कार यावगुलि हे ज्याथ जिथि थौं कन्हैयापि न्हुल ल्याँचम्होपि दथुस थाका थुकु जुइगु स्वाभाविक हे खव । थ्व खँया त्वापु अथे फामां फुसुं हे मिलये जुइगु खँ मखु, छाये धालसां इल-बेलया अनुसार हे विचार धाराया परिवर्तन जुइगु स्वाभाविक हे खव । अथे जुउगुलि ज्याथ जिथिपि-निगु हृदययात नं उगु इल अनुसारया विचारं छगुलि रूपे याना तये धुंकल, मेव खेर धालसा थौं कन्हैयापि ल्याँचम्होपि प्राधुनिकतां । अथे जुउगुलि थथे थाका थुकु जुइगु स्वाभाविक हे खव । तर झीसं थथेक छकोल बांलाक बिचार याना स्वत धालसा थ्व त्वापुयात नं अन्त यायेत नं छुं थाकु थें मच्चं, छाये धालसां भीगु हृदय लवतयागु मखु-छकोल थात धायेवं तूं वहे छगुलि आकारयागु जक जुयेत । भीगु हृदय परिवर्तनशील खव । अथे जुउगुलि झीसं परिवर्तन याये फु । तर परिवर्तन यायेत साधनया जरुरत दु । साधन माल धायेवं तूं धिवा आपाल तुउगु मेशीन, कल पुर्जा, आदियागु जरुरत मदु । केवल झीसं थुयेकेगु व थुयेका बियेगु, कार्य रूपे परिणत यायेगु व याकेगु जरुरत दु ।

थ्व धर्मया उत्पत्ति गथे जुउगु खव धयागु खँ विचार याना स्वत धालसा थज्यावगु धर्म आवयात मत्वव धयागु बांलाक हे खँने दु । झीसं आदि कालयापि आजु अबुजुपिनिगु इतिहास छकोल पुयेका स्वत धालसा थज्यागु धर्म

छाये याना वया च्वंगु धयागु खँ भीसं बांलाक हे थुइ । आदि पूर्व काले अर्थात झी आजु अबुजुपिनिगु पालास नेपाल देशे मनुख-ल्याख तचोकं हे म्ह दु । उगु वखते नेपाल देशे गृइगुलि लख हे दये थाकुइ । मनुख ल्याख म्ह जुउगुलि व अन्नया भण्डार प्रशस्त दुउगुलि वसकलपिसं अपाल मेहनत मयासें अपाल धन कमे याये फु । चाहना नं सीमित जुया च्वंगु दु । प्रकृतिया भण्डारे प्रशस्त मात्रास अन्न फलया धुकुति दया च्वंगु जुया च्वैन । अथे नये त्वँनेगु प्रशस्त मात्रास दुगुलि हे आदि कालं निसें वसकलपि भौतिकवाद पाखे धेल मचुसे आध्यात्म्य पाखे धेल चुउगु खव । उकि छगुलि मखुगु कचा पिहां वयाव व्वसा धर्मया उत्पत्ति जुउगु खव । तर आलोचक भाजु मयजुपिसं थ्व खँ समर्थन यानाव धाये फु कि व्वसा धर्म धयागु झीगु नेपाल देशयागु कला खव । थ्व खँ या समर्थनस जि धाये कि थ्व धर्म कलाया लागि हे जक खवसा मेवगु हे खँ खव । तर थ्व व्वसा धर्म धर्मया हे लागी यावगु खव । थज्यावगु व्वसा धर्म नेपाल देशे थें मेवगु देशे दये थाकुइ । झीगु देशे थें देव-गलया धुकुति मे-मेवगु देशे दये थाकुइ । देव-गलया लागी गुली धिवा फुत जुइ थुकि स झीसं अनुमान याये थाकुइ । गुगु देव-गले लुँ-पातां नियेगु, गुगु देव-गले बहल-पातां भुँनेगु-थ्व झीगु व्वसा धर्म मखुला ? आव तक नं भोरी खावपिस वहे धर्मयात ग्रहन याना च्वंगु खँने दु । सम्यक न्यायेकेगु, सवालाख मत वटयेकेगु, दोल दोल दाम फुकाव होम यायेगु, देव-गल दयेकेगु, आदि थजोलगु हे धर्मो धिवा फुका च्वपि मनुखतयगु ल्याख नं नेपाल देशे म्ह मजुउ । तर दुखयागु खँ थ्व खव कि समाज व देश सुधरये जुइगु धर्म पाखे धर्म यावपि ध्याये खँने मदु ? छाये समाज व देश सुधरये जुइगु धर्म मखुला ? छु समाज व देश सयकाव थज्यावगु धर्म यायेगु हे धर्म खवला ? छु समाज व देशयात मतिना यायेगु धर्म मखुला ?

थीं भागु देश व समाज छाये की लाना च्वंगु ?

थीं कहें थुजोलगु धर्म यायेगु न इल मखुन । छाये धालसा उगु इल व थोयागु इलयात छकोल लैना स्वत धालसा बांलाक हे सिये दइ । मनुख ल्याख स्वया दिसैं उतिकं हे आपाल जुया च्वंगु दु गन सुइगुली लख, गन छकोटि सिबे अपोल । अन्नया भण्डार स्वया दिसैं, न्हापा गुली दुगु खव, उली हे सिबे बढये याये फुगु मखु । चाहना स्वया दिसैं-उत्तिकं हे बढये जुया वया च्वैन । भूमि भाग स्वया दिसैं-उली हे जक खव । उकिसं उत्पादन म्हु जुया वया च्वैन । थीं कहें न भौतिकवाद मस्वसे वहे धर्म जक जुया च्वैन धालसा लिपा गथे जुइ, छकोल थयेक विचार याये मावगु खं खव ।

नेपाल देशे च्वपि जनतायात न्हापायागु धर्म थुकथं थाना तवगु दु कि थज्यावगु धर्म यायेत इमिस छे--बुं पायेत नं लिफल मस्वव । तर सामाजिक उत्थानया लागि अर्थात् स्कूल, अस्पताल, पत्रिका, आदिया निति इमि धिबा पिगोल बियेत थाकु चाव । थुजोलगुलिस चन्दा बियेगु धर्म मखुला ? थुजोलगु मखुगु लेँ व्वाये वना

च्वैन । थुज्यावगु मखुगु लेँ तोलताव खवगु लेँ व्वां वनेगु हे झीगु धर्म खव ।

ब्रह्मा धर्मया मुख्यगु बेफायदा थ्वहे जुल कि गुली दोलं दोल दाम फुकइगु खव, व फुक्क दाम समाज व देशया लागि धुल हे जुया वनिइ । उकि यानाव समाज व देशयात गाले थनेगु बाहेक छुं हे परिवर्तन महव । थुकि यानाव अपाल यानाव नेवालय थुज्यावगु धर्म जक आदत व गौरव दया च्वैन । थुकि यानाव छगुलि घमण्ड नं हया बिल । फलानाम्हुसया थुज्यावगु यात, धिस्काम्हुसया थुज्यावगु यात झीसं इपि सिबे न बांलाक दयेके बा याये घकाव थुज्यावगु धर्म मनुखत व्वां जुया च्वैन । थुकि यानाव गुली मनुखत म्येना च्वैन-थ्व खं थन झीसं धाये मावगु मखु । थयेक छकोल विचार याना दिसैं कि यदि भीसं आबं तक थुज्यावगु धर्म फुका च्वगु धिबा फुक्क समाज व देशयागु उन्नति पाखे फुकुउगुमा झीगु नेपाल देश गुली सम्भताया चोकास थ्येन जुइ भीसं थुकिस कल्पना याये फइ मखु अर्थात् भोगु नेपाल देश नं गुली प्रगति जुल जुइ अस्तु ।

याकन वइ जः

न्यसल

थुरु थुरु खाख्खा, फलचा कुनय
कयकुना च्वम्ह स्वगि छ !
खिउँसे च्वंगु थन्यागु चान्हय
आकन याकल मग्थावला छ ?


हुकन पारी धोत हाला हल
अज्झ नं छु मचाला छं ?
वातां च्वनाः मिला-महु सर्गत
छु, स्वयाः च्वनागु गुलिखे छं ?

—भाजु बा. एन. "इफोस्वा"

लिसल

निभाल जःयात पिचाः पिचाः
सरगतय स्वयाः च्वना जि !
छुं मस्यु भावं, गुखेरं मस्यु,
लिसल बिल याकन वइ जः

धिइगु नगु पुचल निभाल जःलं
बुल्लुसे याकन तना वनिइ
चा तछ्यानाः अले सूर्य वयेवं
विश्वय फुक्क प्रकाश लुइ



चीनयागु विभिन्न भाषा

(ले-फु-माओ-चि)

लहयवग्-मयजु नानीहोरा

चीनयागु व्याकृ मनुख-ल्याख ६० कोटि दु, गुकिस मध्ये ३३ कोटि अल्प संख्यक जातितयसं ४० गुलि मे मेवगु भाषा ज्यास ख्यले याव । न्य मनुखतयसं हान (चीनी) भाषा ल्हाइगु । अयेसां व ल्याकृ भाषाया दनी छगुलि हे खव ।

चीनयापि विभिन्न जातितय दथुस समानतः, मैत्रो व पारस्परिक नीतिया अनुसरण यायां चीनी कम्युनिष्ट पार्टी व जन सरकार अल्प संख्यक जातितयगु भास यात । ज्यास ख्यलेगु हके अपालं दृष्टि बिउगु दु । व हक आव चीनी विधानया वोति जुल ।

न्यायापि प्रतिक्रियावादी शासकतयगु अन्धराष्ट्रवादी नीतियागु छगुलि रूप थव नं खव कि इमिसं (अन्धराष्ट्रवादीपिसं) अल्प संख्यक जातितयगु भाषायात न्हुया व्छयेगु कुतल यात । इमिसं थुगु अल्प संख्यक भाषायात हेल्ला यावगु दु । इमिसं थुगु भाषा ज्यास ख्यलेगु-लस स्थंका च्वंगु दु । हानं गनं गनंला उगु भास ल्हाये मजिउ धकाव न्हापा पंना बिइगु । थज्यावगु परिस्थितिस अल्प संख्यक जातित थहां वइगुलिस आशा अपालं हे म्ह दु । कोसयागु सफुलि, पति, पत्रिका व सरकारी बुलेटिन व्याकृ न्हापा चीनी भाषास च्वइगु खव ।

व्याकृ अल्प संख्यक जातितयत थवपनिगु भाषां खँ ल्हायेगु गैर कानूनी खव । थुगु खँ जिगु अनुभवं सिउ । जापाने ह्येकायेगुया बिरुद्धे सिबे नं न्हापा जिमि कलातया तता, गुम्ह मिचिया जाति खव, यूनान प्राप्ते लिक्कियाङ्ग-यागु नामेल स्कूले व्वंकइम्ह खव । अयेसां व स्कूले नासी व मिचिया भाषा ज्यास ख्यलेगु वजित खव । सुनान उगु भाषां खँ ल्हावगु ताल धालसा व खँ ल्हावग्-मयजुसयाके व काइगु ।

वया नापं च्वंगु छगुलि स्कूले थव हाल दु कि हान जाति मखुपिसं थवपनिगु भासं खँ ल्हात धालसा वयात वेटं दाइगु । अल्प संख्यक जातितयगु छ भास तवन्हु निमें ज्यास ख्यले मजुउगुलि सिइगु भास थें जुया वन ।

प्रतिक्रियावादी कुओमिङ्गताङ्ग शासनया दुने अल्प संख्यक जातियागु भासया थ्वहे स्थिति खव । अये जुउ-गुलि थव अजुगतियागु खँ मखु, अल्प संख्यक जातितय अपालं यानाव थज्यावगु थासे वने मालिइगु, गन अपाल यानाव 'हान' जातित च्वेनिइ व गन कुओमिङ्गताङ्गया प्रभुत्व दु, धृणा न्येने म्वाकेत व हेल्ला यावगु स्वये म्वाकेत, अथे जुउगुलि इमिसं थवपनिगु भासं खँ ल्हायेगु नापं तोलतिइ । थुली जक मखु इमिसं थवपनिगु जात जक नं त्वकपुयेत स्वये मालिइगु ।

आजादीं लिपा

आजादी जुये धुंकाव थव व्याकृ हिला वन । चीनयागु लोकगणतन्त्रया विधाने थव उल्लेख याना तवगु दु कि फुक स्वयत्त प्रदेश 'चू' (इलाका थें न्यावगु छगुलि थास) व काउण्टियोंले स्थानीय सरकारी विभाग आदि थासे अपालं यानाव व्याकृसयानं ल्हाइगु भास ज्यास ख्यलि इगु । थव विभागं याइगु फुक सूचना, बिज्ञप्ति, सरकारी विभाग आदि थासे अपालं यानाव व्याकृसयानं ल्हाइगु भास ज्यास ख्यले याइगु । थव विभागं याइगु फुक सूचना बिज्ञप्ति, सरकारी पति व मे-मेवगु सार्वजनिक बिन्ति-पत्र वहे भासं जुइ, गुगु भास अन फुकसयां सिउ । स्वयत्त प्रदेशया स्थानीय सरकारे वियेगु निवेदन पति व्याकृ स्थानीय भासं चववसां जिउ ।

विधानं पक्का

विधाने थ्व नं पक्का यावगु दु कि फुकु नागरिकतयत थ्व हक दु कि इमिसं अड्डास जुइगु ज्याखें थवपिनिगु भासं यावमां जिउ । पुलांगु चीने अल्प संख्यक जातियापिसं 'हान' अफिमरतयगु अड्डास नालिस तये ग्याव, छाये थालसा पुलांपि न्याय व्यवस्था वर्ग व जाति संयंकइगु छगुलि ज्या भल खव । मुहुडा यायेत छगुलि मेवगु बाधा भास खव । उगु बखते अड्डास मुहुडा ल्वायेत हान व चीनी भास जक ज्यास ख्यल याव । ई. १९४५ साले कुओमिन्तान्ताङ्गया शासने यूनान इलाकाया यिचियाङ्ग काउण्टी वया थास लिङ्गसु जातिगाम्हा छम्ह ज्यापुया छम्ह करिन्दायात हान भासं छगुलि अजि चक्केत छम्ह साया मुल नि खर्च याये माव ।

अव देशया न्हागु हे थासे अल्प संख्यक जातितयसं थवपिनिगु हे भासं नालिस तये दु । यदि अड्डास इमिगु भास खें ल्हाइम्ह मदुसा खें ल्हाकेत थवपिनिगु थेवां वारिस तये जिउ । अल्प संख्यक जातितयगु इलाकास ज्या याइपि नं वहे जातयापि जक जज दयेका यंकइगु, गुकि यानाव भकरियातयके बांलाक्क मुहुडाया बयान न्येने फई । उगु इलाकाया अड्डास फैसला, सूचना व तथाम तमसुक आदि वहे भासं चवइ, गुगु भास अन अपालसयां ल्हाइ । थुगु हे किसिमं स्वाधीन प्रदेशया सरकारं शैक्षिक व सांस्कृतिक ज्या यायेत अल्प संख्यक जातितयगु भाषां हे याइगु । सरकारं नं अल्प संख्यक जातितयगु क्षेत्रया स्कूले इमिगु भाषां हे शिक्षा बियेत जिउ थास तक रवाहालि बिषा च्वंगु दु । इमिगु हे भासं कोर्स-सकुलि पिकायेत वहे जातयापि गुरुपि अपाल तालीम यायेगुलिस तेवा बिउगु दु । अल्प संख्यक जाति दु थास च्वनिइपि हान गुरुपित नं धाइ कि च्वेनागु देशयागु भास ख्यना का अले शिक्षाया ज्यास उकियात हे अपालं ज्यास ख्य ।

सकुलि, रेडिओ व प्याखं

आव थुज्यावगु तवमुलि मछि छापाखाना तये धुंकु-

उगु दु, गुकि उगु थासयापि अल्प संख्यक जातितयगु भाषां सकुलि व पति पिकाइगु । थुज्यावगु दक सिबे तवधंगु संस्था पेकिङ्गयागु जायीय छापाखाना खव, गुकिर संगो-लाइ, बिब्वती, कोरियाइ, युगुर, कज्जाक व अल्प संख्यक जातितयगु से-मेवगु भाषां सकुलि पिहां वव । थ्व छापा-खाना तचोक हे बिस्तृत जुउ व हानं बढये जुजु वना च्वंगु दु । सन १९५० व १९५२ या दुने थुकि ५९ प्रकारया ८,५६,००० गुलि सकुलि थात । १९५४ साले थुकि २०१ प्रकारया १६,६७,००० गुलि सकुलि थात । देशया अल्प संख्यक थासे से-मेवगु भासया १६ गुलि अखबर पिहां वया च्वंगु दु ।

अल्प संख्यक जनतां सिखा व आमोद प्रमोद यायेगु खें निगुल खें अवपुके धुंकुउगु दु, गुकि न्हापा इपि छखे लाना च्वंगु खव । व खव रेडिओ व प्याखं (फिल्म) । पेकिङ्गया मुख्यगु रेडिओ स्टेशन व दुने मंगोलिया, यन-पित, सिंगक्याङ्ग व चिङ्घाइया रेडिओ स्टेशने अल्प संख्यक भासं नं कार्यक्रम यानाव न्हेवने तइ । मेवगु प्रान्ते गन अल्प संख्यक जनता अपाल च्वनिइ, अन थुजोलगु कार्यक्रम अपाल दयेकइ, गुगु अल्प संख्यक जनताया अपाल यानाव यव । सिंगक्याङ्ग प्रान्तया खेले व गुंस च्वनिइपि कज्जाकतय सलछिस सिबे नं अपाल रेडिओ न्यनिइपि मनुखत दये धुकल । थ्व बिचार यायेगु खें खव कि अन अपाल तोर, डाक बनिइगु व्यवस्था मदु । वगु मार्चया राज्यया थकांनी देशया सीमान्त प्रदेशे, गन अल्प संख्यकत च्वनिइ, अन १५०० गुलि रेडिओ सेट सिनि बियेगु पक्का यावगु दु । सिनेमां 'अल्प संख्यकतयगु क्षेत्रयापि जनताया न्हेवने प्याखं क्यनिइ । थथे यायेगुलिस इमित प्रकृतिया पाखें वइगु अनेक मछि लिसे ल्वाये माव । गुलीखे फिल्म मंगोलियाइ, तिब्वती युगुर व कोरियाइ भासं याना क्यनिइ । (१) "दुने-मंगोलियाया जनताया त्यावगु" (२) "लोक चीनया चरागाहे" (३) "चीन व यीन खुसिया सिथे" --थ्व स्वगुलि प्याखन अल्प संख्यक जातिया

जीवन व इमिगु भिगुया कपा क्यनिइ। थगुने अपालं यानाव अल्प संख्यकतयत लवगु फिल्म दयेका यंकल। थुकिस सिगक्याङ्गया कज्जाकतयगु छगुलि प्रेम-बाखं “बरन्दा व इमुलि” नं खव। थुकियागु आखल छम्ह कज्जाक दयेकुगु खव अले थुकियागु खं नं कज्जाक भासं हे खव।

न्हल च्वइगु भास

कम्प्युनिष्ट पार्टी व जन सरकार अल्प संख्यक जातिया थवपिनिगु भास ज्यास ख्यलेगु हकयात जक मानये यानाव सुउँक मच्चं। इमिगु थवपिनिगु मनसुवां थवपिनिगु च्वयेगु भासया उन्नति यायेगुलिम व गनं न्हल च्वयेगु भास पिकायेत दुने निसं तेवा बिया च्वंगु दु। मंगोल, तिब्बत, युगुर कज्जाक व सिबो भास अपालं हेच ल्ती दु। तर थव नाहुसी, मियाव व मच्चू थें न्यावगु भासया न्हल युगे म्ह ज्यात ख्यले याव। थुकिस मध्ये गुगु भास अपालं विकसित जुउ, गुगु उस्त मजुउ। अपालं मनुवतयसंगुपिनिगु च्वयात वगु भासबांलाक्क विकसित मजुउ, सरकार याके पवंगु दु कि इमिस च्वइगु भासयात भिकेत व उन्नति यायेत स्वाहालि याये माव अले अपालं मनुखत थुजोलपि दु, गु-हसया थवपिनिगु भासं च्वयेगु रूप द हे मदु। अथे जुउगुलि, इमित न्हल च्वयेगु भास पिकाये माला च्वैन। मई १९५४ साले सरकारी प्रशासन काउन्सिल आज्ञा दिउगु दु कि थव थाकुगु

ज्या बांलाक्क यायेत थुपि अल्प संख्यक जातितयत स्वाहाली बिया बिउ। थव ज्यास गुली भाषा शास्त्रया विद्वानपि सँता च्वपि दु, इमिगु अथक प्रयत्न व जनताया स्वाहालि अपाल हे जाक्को प्रारम्भिक प्रगति याये थुंकुउगु दु। दसुया लागी सिक्काङ्ग व जेकुआन प्रान्तया ली-जनताया निति वैज्ञानिक भाषाया आविस्कार यावगु दु। अले प्राइमरी स्कूल आदि थामे थव भास छ्यले नं थुंकुउगु दु। क्याङ्गसी प्रान्तया चुथान जातितय निति नं छगुलि लिखित भास दयेकेगु ज्या थुली च्वन्हाव वंना च्वंगु दु कि थव न्हल च्वयेगु भासया निति छगुलि बुनिवादी भास ल्ययेगु विचार याना च्वैन। कज्जाक भासया बगमाला सफुलिस च्वंगु गुलीखे आखल गोल भिंकुउगु दु। अले थथे हे युनान प्रान्तया अल्प संख्यक जातितयगु च्वइगु भासयात सुधार यायेगु योजना याना च्वंगु दु।

अल्प संख्यक जातियापि जनतां जन सरकारया नीति-यात व इमिगु भास थकायेत गुगु न्ह्याव वंना च्वंगु पलाख खव, उकियात उत्साह पूर्वक समर्थन याव। अथे हे थव ज्यायात यानां जिउ भास तक यात स्वाहालि याव। इमिस थवपिनिगु अनुभव सियेकइ कि गथे यानाव थव नीति इमिगु जीवने आर्थिक व सांस्कृतिक निगुलि रूप समृद्ध यायेत तेवा बिइ। इमिस सिउ कि लिपा थव ज्या गथे यानाव थुकिया सिबे बांलाक्क ह्वइ।

सुर्यो यात

—भाजु धर्मबिरसिंह,

ज्याथ जुया अन पक्षिसगुं च्वे,
अन्तिम या द्यो ह्याउक हु च्वे
पुज्य पिता प्रिय भास्कर देव,
खोय कल पंक्षि अन्ते जुईवं,

जग हे ख्युंक शुन्य हे जुईक
की को छम्ह हे हाहि मदेक,
केवल अस्थिर पाल् पिलि नौचं
ल्यां वई मखु हा! दिवस बौन

लः वल पूर्व बाल-रविः आ,
ख्युंगु चाहेनं तंकल वं जा,
लये ताल खगते उत्सव जुईक,
भितुन गीतं नभ हे थ्वेक,

जग हे किल मिल गुलि आ न्हाइपु,
जीवादि दकोस्यां मन स्वां ह्वे फु,
किन्तु पनेयो तिभा सुपाय नं
निर्मल जुईक पुइकि फयन,

—भाजु नारायण प्रसाद श्रेष्ठ

भू. पू. संचालक-गीतागेह

भीगु श्व भाषास न्हापा न्हापाया सफुलिस छु हे चि
स्वायेक स्वर व्यञ्जनात्मक आखल हे अभिप्राय थुयेक
व्वैता यके फयेक च्वया यका तवगु दु । उगु प्राचीनगु
इलस भी अजा-आजुपिनि खँ ल्हायेगु भास गुजावगु जुया
च्वैन जुइ-थुगु खँ ला जि मसिउ, तर थौं कहे भीसं खँ
ल्हायेगु रूपस अपाल यानाव दक सिवय लिपा यागु आखल
ज्यला वँताव आब खँ ल्हायेगु न्हापायागु सफुलिस खँने दुगु
रूपस अपाल हे पाये धुकल । आव भीसं खँ ल्हाता थें
च्वया ह्येगु इलस खालि स्वरात्मक वा व्यञ्जनात्मक
आखल जक ज्या मयिल । उकि की ग्रन्थ निर्माता लेखक,
कवीपिके गुलीसिनं छु चिया भर कयाव गुलीसिनं संकेत
बियेत जक लिपायागु आखल यात हल (य आदि) आख-
लस च्वयाव हानं विसर्ग आदि बियाव यकेगु याना च्वंगु
दु । यद्यपि श्व नित्तास छता न्हागु हे खँ ज्वंसां नं ज्या
जुये फइ । तर जिगु बिचारस चिया भर ज्वँताव अथे
प्राचीनगु शब्दया ज्यला वँने धुकुगु आखलयात ज्येका
हे व्छयेगु उचित मखु । हानं व हे न्हापाया परिपाटि तया
हे च्वँनेव भास भद्दा खँने दइगु व खँ हे नं मथुइपि दये
फइ, हानं अथे हे याना च्वँनेगु भीत नं मयया वये धुकल
उकि चि मतसे ज्या जुतले व हे प्राचीनता यात रक्षा
यानाव मछि थास जक चि तया ह्येगु जिइ । थुकिया छु
खँत संक्षेप कस वितय याये त्यँना । यदि श्व खँ लिक्पित
यल तथा जिके योग्यता दया वल धालसा फक खँ थुइक
श्व बिषयस लिपा जि च्वये ।

(१) शब्दया न्हावने लिपायागु आखल स, च, ज, य,
ये आखलत वल धालसा व आखल तोलताव उकिया पलि-
सास 'अ' उच्चारण, वयेक नवाना ह्ये धुकल । तर व शब्द
गथे उच्चारण जुउ अथे हे शब्द च्वयेत छु लँ महु । अथे

जुउगुलि श्व ज्यव थास गुलीसिनं छु चियागु भर व गुली
सिनं थुकिया न्हावने हल य जक तया ह्येगु यावगु दु ।
थुकिस नसिकथया चलनस प्राचीनगु व्युत्पत्ति थुयेकेत
अवपुगुलि जिउथें च्वं सा न अथे यायेगु इलस श्व भास
मसिउम्ह व श्व भाषास गुबलें मच्चह अथवा व्वँनेगु बान्हि
मजुउम्हसयां न्हापां व्वँनिइगु इलस भाषाया शुद्ध उच्चारण
मजुसे 'य' यात याउँक 'इ' थें च्वक उच्चारण याव वँताव
शब्दार्थ शुद्ध मजुसे भाव हे नं पाव वँनिइगु जुये फु । उकि
उज्यावगु शब्दया व आखल हे गथे खव अथे हे तुं तयाव
व स, च, ज, य, ये या लिउने गुजावगु आखल दत व
स्वयाव उच्चारण जक गथे जुयेके माव ।

(क) अकार वल धालसा अ+ए=अ जुइक गथे—

मासया=मा+अ ग्वा—च=ग्वा+अ=ग्वाअ,

काय—का+अ, याये—या+अ=याअ

(ख) आकार वल धालसा आ+अ जुइक । गथे—मास

या (उच्चारण)मा+अ,=माअ ग्वा+च=ग्वा+अ

या ग्वाअ, काय—का+अ=काअ व याये

—या+अ=याअ ।

(ग) इकार वल धालसा इ+इ=ई जुइक । गथे बिष्णु

मतिस (या उच्चारण बिष्णुमती) ।

(घ) उकार वल धालसा—उ+इ=वी जुइक । गथे

गुंस (या उच्चारण)—गु+ई=ग्वी । जुये—

जु+ये=ज्वी ।

(ङ) एकार वल धालसा ए+अ=जुइक । गथे—म्हस

—म्हे+अ ।

(च) ओकार वल धालसा—ए=वे जुइक । गथे—भोज

(या उच्चारण) भ+व+ए=भ्वे । च्वयेत या

(उच्चारण) च्वेत ।

नोट- थुकिस् 'ज' ओकारान्तस्, 'च' आ, ओ कारान्त
स् प्रयोग अपोल जुउ । मेव थास उस्त मजुउ ।

(२) सप्तमी बिभक्तिया चिन्ह 'स' न नियम ल्याख १ या
'स' थें हे जुइ ।

तर थ्व नियम कविता रचनास याना च्वेनेगु साध्य
जुइ मखु । उकि अनला छुं चियागु भरोसा हे काये
माव । अथेला थ्व थि तयेगु न्हापायागु थें चलन
मजुयाव न्हुलगु चलन थें जुया च्वेनेत छकोल था हे
थाकु थें च्वनिइ । अथे जुउमां उकिस् थें 'य' यात
'इ' थें उच्चारण यानाव च्वेना यकिइ मखु । थ्व
चि गुगु थासस दइ उगु थासस लाक्क वयात दिइ हे
मालिइ । उकियागु उच्चारण या कथं न्यनाव सिइके
हे मालिइ । छकोल सियेके धुन धायेव हानं उकियात
कयं किइगु कं छुं दइ मखु । उकि थुजावगु - गद्यस
थें शब्दया आखल तये मछि थास अथवा तवसा
नं कविता च्वेने बेलस मिले मजुइ थासस 'य' मतसे
चि हे तया हयेगु जुइ । अथे चि प्रयोग यायेगु ज्या
छुं न्हुलगु ज्या नं मखु । भीगु संस्कृतस नं वेदस
गन गन शब्दयात विशेष ध्यान बियाव उच्चारण
याये मावगु ऋचात दु अन चि प्रयोग जुउगु दु ।
अंग्रेजी भासस नं थुकिया चलन दु । भीगु नागरि
आखलया शब्द अंग्रेजी च्वये माल धालसा बिना छं
चियागु सहायता मकासे ज्या हे मजुउ गथे- 'ईशा-
वास्यम्' धकाव ए या देवने चि तये माल, व
मतयेव इशवास्यम्' या उच्चारण जुयाव अशुद्ध जुउ
वनिइ अथे हे अंग्रेजी शुद्ध नागरी च्वये बेलस नं
छुं चिया बल काये माव । गथे 'god' वा goc for
धकाव धायेत 'गा' व 'डा' या न्हेवने चि बिये माव ।
य चिया अभिप्राय मथुउपिस् 'गाड' व डाक्टर
धकाव वनिइ व शुद्ध उच्चारण मखु । व चि या
अर्थ सिउम्हसियां 'अ' व 'आ' यागु दथुया उच्चारण
ज्वनाव 'आ' यात चातुडकाव उच्चारणया धावगु
धकाव सियेकाव अथे हे शुद्ध उच्चारण याइ । अथे

स्वयाव नं भीगु भाषास नं छुं छगुलि चिया भर
कायेगु छुं मजिउगु व न्हुलगु ज्या मखु । उकि थ्व
आखल चवने निफुती तयेगु जुया ववगु मजिउ
धाये मजिउ । बरु व निफुतीया थासस छफुती जक
तवसानं जिउगु ला खव गथे हिन्दी सप्तमी बिभक्तिया
चिन्ह 'मे' खव । तर अथे याये बेलस छफुती जक
चवने च्वेनिइगु बिन्दु (फुती) या उच्चारण अनुस्वार
अर्थात् न, म, ण, या थें उच्चारण यायेगु भीगु
प्राचिन चलन जुउया निति अथे हे उच्चारण जुउ
वैना अशुद्ध जुउ वनिइगु जुल, उकि छफुती जक
ज्या मबिल । हिन्दीयागु व 'मे' शुद्धगु उच्चारण
मखुसा नं चले जुमे धुकुउगुलि जिया वंगु खव ।
अथे जुसेलि मेवगु हे छुं चि तवसानं जिउनि ! अथे
यायेत नं थुगु (' ') चि तयेगु निम्ह सया राय
' दु धयागु न्येनागु दयाव निम्ह पिम्हसया सम्मति
नं दुगु थ्व हे चिया आश्रय कायेगु अथवा थ्वया
सिकं अथपुगु मेवगु चिन्ह ज्वेनेगु जिइ । अथे चि
तयेत न्हुलगु चलन जे जुयाव मछि थें जुइ धकाव
गुली गुली ग्यावपि सज्जनपि नं दु । तर जिगु
बिचारस ली सभ्य भालपिउ वने धुकुउगु छगुलि
निगुलि भाषास अज्यागु प्रयोग जु गु जुये मावगु
खने दत अन पलाख बिना च्वंगुलि अपाल दोष
खेने दुगु जुया बल उगु सैना मजुउगुलि थाव वंगु
खिति चुइकाव बांलाका यंकेगु वववहार याना हयेगु
छुं अनुचित मखु थें च्व ।

(३) च्वस च्वयागु स, च, ज, य, ये, तोलताव प्राय-
यानाव शब्दया लिपा वइगु क, ख, त, ल, व आदि अका
रगु आखलया व्यञ्जन तैना वनागु याउक स्वरजक त्यंक
उच्चारण जुये धुकल, व उच्चारण जुउगु थें च्वक च्वयेत
झीके आखल । तवसा थुकिस् नं छुं चि तये माव । थुकिस्
नं अपालसिया बिचार बिसर्ग जक तये धयागु दु । थुकिस्
बिसर्ग जक तया नं ज्या मबिउ, शुद्ध उच्चारण मजुउ ।

थज्यागु थासस नं छु न्हलगु चि-येगु मयासे प्राचीनता अनुसार शब्दया फुक्क आखल तथा उच्चारण जक पाका यंकुउसां जिउथें च्वेन । गथे थउकन्हस अंग्रेजी भाषास for listen oden इत्यादि धायेत फोर, लिम्बेन, अफतन, धकाव धाइ मखु । च्वयेत धालसा अथे हे च्वइ । हिन्दीस नं प्रायः यानाव अन्तिमगु अकारान्त आखल हल जुइक उच्चारण याइ, तर च्वयेत धालसा अथे हे च्वइ । गथे 'राम् श्वर' थन शब्दया अन्तिम आखल वर हल् जुइक नवाव । अथे हे झीस नं च्वयेत थथे हे च्वया व च्वेनेत जक भीसं थउं कन्हे खैल्हानाव नुं वाना च्वेना थें च्वंक उच्चारण वयेक च्वेना यंकुगे बान्ही यायेगु मजिउ । थ्व अकारगु आखलया लिउने गज्यावगु आखल वइ व स्वयाव उगु आखल तंकाव शब्दया उच्चारण थथे याये माव ।

(क) अकार ववसा हल अकार वयेक । गथे-खव-खव् । लख-लख्, कापत-कत-कअ ।

नोट:- थुकिस व य व थ्व आखल नाप ज्यागु संयुक्तसर वल धालसा उच्चारण नियम ल्याख १० स्वया दिसं ।

(ख) आकार ववसा बिसर्गया ती याउसे च्वंगु 'ह' वयेक । गथे-आव-आः, वार-वाः, पताक-पताः ।

(ग) ईकार ववसा इकारयात नं तंकाव यू जुयेके । गथे:- बिब-ब्यू, हिलगु-ह्यूगु,

(घ) उकार ववसा दोष ऊ जुयेक- न्हलगु-न्हूगु । नोट:- शब्दया व्युत्पत्ति थुयेकेया निंति पुलांगु चलन थें शब्द तथा हे च्वेनेगु जिउ । तर थथे याना च्वेने बेलम भाष भदा थें खने दया वया च्वेनिइगु जुल । अथे मजु-भेकेत कित चिया भर काये माल, मखुसा उच्चारण जक पाकाव शब्दत तथा ह्ये माल । उकि थुकियात दथु यागु लें ज्वेनेगु हे भिनिइ अर्थात चि मतयां जिउ थास तक याउंगु यइपुगु व चलन जुयाव बांलाना च्वंगु शब्द हे तयेगु, चलन जुउगु शब्दस चि मतसे शुद्ध मजुइ थास वहेपुलांगु शब्द तथाव बया उच्चारण जक भिकेत स्वयेगु जिइ । उकि

शब्दया आखल जक च्वयां शुद्ध जुइक शब्द मवइगुलि थन अकारान्त शब्दया लिउने अकारगु आखल ववगु थासस व नि० ल्या० १ या क, ख उदाहरणया जक शब्द उथें तथा उकियागु उच्चारण जक पाकेगु, मेव थास चि म्वायेक च्वये जिउगु चलन जुयाव यइपुया च्वेने धुकुउगु वहे शब्द च्वयेगु याये जिउ । छाये धालसा चले जुउथें च्वये बेलस थज्यो थास पुलांगु शब्दया पूरा आखल बा चि मतवसा नं भाव मपाव । थनयागु खें उदाहरण धालसा लुशाक्षरया पलिसास बिसर्ग बिया ह्येगु हे बांलाइ । थन न्हापायागु हे फुक्क आखल तयेगु नं बांमलाव । छुं मतसे च्वेने बेलस नं शुद्ध उच्चारण मजुउ । झी माँ-भास संस्कृतस नं थज्या थास बिसर्गया चलन दुगुलि भीसं नं थुकियात स्वीकार यायेत छुं थाकु चाये मावगु महु ।

(४) उ+अ अर्थात उ नाप अ नाप ज्यानाव दया ववगु खव । थ्व आखल 'इ' व 'उ' या लिपा वल धालसा व या स्वर 'अ' यात तोळता वियाव निगल स्वर नं नाप ज्याकाव 'उ' यानाव धायेगु चलन जुये धुकल । थ्व यायेगु नं मजिउ धाये मजिउ । थथे यायेगु भीगु संस्कृत साहित्यस नं चलन दु । गथे-प्रति+उत्तर=प्रत्युत्तर । सु +उत्तम=सूतम । उकिस जिव, जिउ, ज्यू बा जुव, जुउ, जू थुपि स्वंगुलि रूप जिउ; सानं 'ज्यू' अपोल चलनस वये धुकल बां नं लावगु जुयाव 'ज्यू' या व्यवहार हे नं याना ह्येगु नं जिइला ।

(५) 'या' आखलया न्हावगु छुं आखल दयाव व 'या' या लिउने अकारगु आखल वल धालसा अ अकार यात ऐ कार यानाव 'या' यात तंका वछये धुकल । गथे:- वयात-वैत, घयागु-धेंगु ।

उकि गन गन छि थज्यागु कैगु, हैगु आदि शब्द खैनिइ थुकिया न्हापायागु रूप व 'ए' मात्रागु आखल अ मात्रागु व उकिया न्हावने 'या' आखल दुगु धकाव सिइका दिसं ।

(६) आव हानं निगुलि खें दिन । भीगु भाषास दन्त्य द, ष शब्दया दक्क सिव्य लिपा वल धालसा 'द' यात द

व 'ध' यात 'ह' थें च्वक धया यंके धुकल । गथे—संस्कृतस 'कति वर्षाणि या अर्थ 'गोद' धाये बेलस अन्तिम आखल 'द' यात 'र' थें व 'नास्ति' या अर्थ 'मरु' धाव व । तथा 'महान्' या अर्थ 'तवह' धकाव 'ह' थें च्वकाव धाव । अथे हे व 'द' यात 'र' व ध यात 'ह' याये हये बेलस 'दु-मदु' आदि जोल लावगु शब्द नाप तये हये बेलस अपाल हे पाव वनिइगु व उकिया उच्चारण 'र' 'ह' थें जक मच्चसे उकिस 'द' व 'ध' यागु संस्कार नं ल्येना च्वंगु जुउया निति अज्यागु 'द' व ध' या कसं छफुती बियाव 'द', 'ध' यायेगु याये माव । थथे यायेगु नं न्हुलगु ज्या मखु । थज्यागु हिन्दी शब्दस नं व्यवहार जुया च्वंगु दु । गथे—बढ़ाई, चढ़ाई ।

(७) छितः, जितः शब्द यागु न्हापायागु रूप छिप-निसित' जिपनिसित खव । थव च्वयेत न्हापाया थें हे च्वयाव न वायेगु बेलस जक रूप पाकेत थपाय मछि हाकल जुइक च्वयाव उच्चारणया रूप पाकेत थाकु । उकि आव चले जुउ थें हे च्वयाव 'त' या न्हावने 'विसर्ग' बिसेगु याये मालिइ । छ्वाये धालसा थव अन्तिमगु आखल दीर्घ जुइक नवाव । खला विसर्ग नं थुकियात लववगु चिन्ह मखु, कारण नियम ल्याख ३ या (क) थें हल 'अ' या उच्चारण माव । विसर्गस अथे हल् अ यागु उच्चारण मवव । अथे जुउसा नं मेवगु चि तयेयो सिक थव चिन्ह तयेत अव पुये धुकुउगुलि थव हे निशाना तथा नवाये बेलस जक हल् अ थें नवाये मालिइ । बरू 'वसकल' यात जक जि च्वस निवेदन याना थें नियमस मेल नवगुलि थव यागु जक थव हे रूप च्वये मालिइ ।

(८) थव भीगु भाषस काल माक्र मदु थें च्वं, तर अथे मखु । भीके झीत, माक्र काल नं दइ । तर शब्द ल्ययेकु ज्ययेकु गुगु गुगु भूत, वर्तमान व भविष्य थथें २ जुइक उच्चारण याना थके धुकुउगुलि नं अथे जुउगु खव । उदाहरणार्थ छगुलि कया दिसं । गथे 'खव'—वर्तमान, थवया भूत 'खत' व भविष्य खइ । थन वर्तमान व भूतया लिपा

यागु आखल तोलताव 'ख' यात जक दीर्घ यानाव नवा-कगुलि भूत गुगु-वर्तमान गुगु धया थें जुया वन । उकि थज्यागु कालयागु अन्तिम आखलत ज्या मछि थें च्वसा नं तये हे हानं न-वाये हे मालिइ ।

नोटः— 'दव' या रूप 'दु' धयागु जुइ धुकुउगुलि थवयात ला 'दव' याना च्वने मजिउ ।

(९) व, य, व थुकि चिना तवगु आखलया लिपा वइगु व, ख, ल, त आदि आखलत लोप याये बेलस उगु 'व' या' व उकि चिना तवगु आखल यात 'ओ' याना हये बेलस उच्चारण मिले जुयाव चि छुं तये मालिइ मखु थें च्वं । गथे—यवम्ह = योम्ह, वलगु = वोगु, क्यलगु = क्योगु, न्ह्यल = न्ह्यो इत्यादि । तर शुद्धगु उच्चारण ला मखु उकि पद्य रचनाम जक थथे यायेत बिबश जुये मालिइ, मेव थास नियम ल्या० ३ थें हे याये मालिइ ।

(१०) अथे, थथे गथे इत्यादि शब्द या थें नियम ल्याख १ (क) नियम थें जुइक नवायेगु जुइ धुकल । उकि च्वयेत थथे हे च्वयाव नवायेत जक अथे नवायेगु याये मालिइ ।

(११) अन्तिम आखल न, म वइगु । शब्दया गुगु त, म तं-काव लिउने यागु आखल या उच्चारण अनुसार वयेक जुइ धुकल व अनुसार आखल च्वयेत झी नागरी आखलस छुं भंडाट मदुगुलि पुलांगु रूप मतसे अनुसार युक्त शब्द हे च्वया यंकेगु याउंसे च्वनिइ । गथे—गनगु—गंगु, ग्राम—गाँ, तम—तं इत्यादि ।

थथे अनुसार च्वयेगु या छगुलि लाभ थव नं खव कि थुजावगु न, म अन्तिम ववगु भीगु फुक्क शब्दया उच्चारण थथे मजुउ—गन गनं जक जुउ । उकि थथे जुउसां मजुउसां फुक्क थासस व हे रूप तथा उच्चारण जक पाके मालिइ धया च्वन धायेव स्वाव थास नं अथे हे उच्चारण जुयाव भाष स्थाना वनिइगु जुयेफु । गथे—कान (काण) या काँ जुउ, मान या माँ मजुउ, नामया नाँ जुउ, काम या काँ मजुउ, तमया तं जुउ, मन या मं मजुउ इत्यादि ।

(१२) अ उ कार या न्हावने ति, (टि), थि,

ठि) लि, आदि इकारगु आखल वल धालसा व इकारगु आखल यात न्ह्यं काव वया लिउने यागु अकार यात 'अ' कार यानाव उ. कार यात ऊ (दीर्घ) उ यानाव नवायेगु अपाल चलन जुये धुकल, गुली २ मजुउगु नं दु। उकि चलन जुउथे हे शब्द चवयाव व्वेना ह्येगु याये माव। तर थथे यायेत गनं गनं छगुलि शब्द निगुलि कथंया प्राणी प्रयोग यायेगु चलन दुगुलि थथे यार्ये जिइ मखुला धया थें च्वं। गथे—(भौमति पशुजाति) व भलि (मनुष्यजाति) प्रयोग जुउ तर, थथे थ्व शब्दया न्हापायागु छु रूप खव वहे तयाव उच्चारण जक पाके मालिइ धकाव धया च्वनेत भीसं थथे फुक्क शब्द यात धया व्वेवगु महु थुकिस अपवाद नं दु। उकि अन नं अथे हे उच्चारण जुउ वनिइ वेलस अशुद्ध जुइ। गथे पति (चिठी) या 'पौ' घटि (घटिका-घडी) या घौ जुउ, भति (वा भलि) या भौ जुउ, तर मति या मौ मजुउ। बलिया बौ, घलि या घौ खलि या खौ, सलि या सौ जुउ, तर कलिया कौ मजुउ। नलि कथिया नं नौ कथि मजुसे नः कथि जुउ। थ्व नियम ल्याख ११, १२ या प्रारम्भिक रूप म्ह सियेके थाक्याव विभक्ति दयेकेत थाकुइला धयागु खं नं दु, तर व अथे विभक्ति प्रयोग यायेत व्याकरण या आधार कये माव, थनया संक्षिप्त ज्ञान ज्या बिइ मखु। उकि भी भासया व्याकरण भाजुपिसं नि० ल्या० ११, १२ या शब्दयागु विभक्ति या रूप अवश्य बिया दिसं धयागु प्रार्थना दु।

नोट: गठि या निगुलि रूप दु-गठि व गौ। उकिस 'गठि' कृतिम ज्यास सुना नं छुकि स छं वस्तु चियेगु लिस व 'गौ' वस्तुस हे स्वाभाविक दया च्वनिइगु। गथे लहाहातया पचिनस दु।

चिहाकल प्रार्थना

थन तक जि भी भासया खंस धया च्वनागुया अभि-प्राय थुली कि न्हापाया व्युत्पत्ति थुयकेगु व उकियात विभक्ति ह्ये अवपुइगु लोभं मखिने धुकुउगु शब्दया आखल फुक्क वहे तये माव धका धया च्वनेगु तोलते। चि मतसे शब्द उच्चारण मजुउ थास जक पुलांगु शब्द हे तयाव उच्चारण जक पाके, चि स्वायेक शब्द बांलाताव चलन जुये धुकुउगुलिस न्हापायागु हे रूप हे ह्ये धकाव धया मच्वने। अथे 'जुइ वेलस शब्दया प्राचीन रूप न्हना वनिइला धयागु व न्हापायागु रूप मथुइगुलि विभक्ति च्वयेत थाकुइला धयागु भर दु खव, तर उकिया निति सल धुकुति (शब्द कोष) व व्याकरण दयेकल वनिइ वेलस उकिस पुलांगु रूप नं क्यंना बिये मालिइ उकि थुकियात च्वयेत नि० ल्या० ३, या नोटस च्वया थें भी सकल सित च्वयेगु तथा च्वनेगु याये धयागु प्रार्थना दु। सिलख चिनेत धालसा थथे हे धकाव धया च्वने मजिउ। उकिस गथे यावसा भाव बांलाक कयने फइ, अथे ह्ये यायेगु भनिइ। उकिस चि तये मावसां तये मालिइ गुगु खं जि नि० ल्या० २ स च्वये धुंगु दु। अस्तु।

विकृत-भावना

—भाजु दु लाल खरबिल

स्मृतिया ख्युंसे च्वंगु ख्यले थों

भाव बिहग छाया पिलि पिलि व्वल थं ?

प्रेरणया मत इल्ल च्वया च्वे

स्वैत प्यख्यं थय् माः माः जुल थें ?

घौछि, निघौ च्वय् धुंका मेधं

स्वत्त्वपुया जव स्याय्वं प्रेरण,

गथः आशया व्यंगु स्वया अल्य

भग्न भावना बाः ठं थें दन।

किन्तु अचानक उगु हे वस्तु

वेदन रमणं वैत लिता हल;

चिलाय् दना भं विस्तु जक वन्यवं

तप्प ज्वना वं थुकथं धाल—

“भाव छ। अइले थय् चाः हिल्यवं

ज्वनी धका नं गय् छं मसिल ?”

महपूजा खुन्ह

-मिक्ष अश्वघोष ।

यव मा ! उखे छेँस गणेशचित त्हुलगु लें सुख्वाल कोट, इन्द्रकुमारीचित बांधरा आदि सुयाव फिका तल । इमि ब्वां महिचन्हि, तपसि, केरा, सत्रासि न्याना हल । म्हति म्हति चिनिया किसि, सल, आदि त्हातें ध्वेना जुल । झी अये छाये महु, हाँ मा ! कन्हे म्हपूजा मुखला मा ? भी न थी न्हागुसां दयेके तु मा धकाव न्हसदें च्यादें दुपि ज्ञानजीभा व इन्द्रानां मायात धाल । बेतिमायाया मिखा निगोलं काकगु खोवि जाल ।

“छु याये, मचात ? झीत गनया म्हपूजा ? लक्ष्मीपूजा हे ला याये मखं । चीपिपिनिगु छेँस लक्ष्मी-देव नं मच्वं । नयेगु त्वेनेगु, पुंनेगु दवसा ला न्हावेले म्हपूजा खव । थौं वहेतिस जा धुयेत जाकि छम्हुलि महु । उसायँ महुम्ह काइनिज काति दयेकेत हे जाकि छगोल महु । वालछि हे महुनि, मचायागु चाकचा छजोल वन्ह तयाव न्याना हयागु छो व जाकि मचा दुगु फुइ थुकल । धेवा भतीचा दुगु नं छिमि ब्वां कयाव पिहां वन्ह भाव तकं दुहां मववनि । जुं दुगु फुक्कं बारमासि म्हिताव व एलाख त्वेनाव फुक बिल । भाव छेँ छकुति दनि, व नं गोन्हु तुइ थें मसिउ ”-धाधां छुं मसिउपि मचातयत थवगु दुखया खें प्वंका च्वेन । निन्हु स्वेंन्हु दये धुकल-मचातय प्वाथ जायेक नये मखंगु, थौं ला ज्ञान छुं हे महु । नये पित्यावगुलि रव्वाउं लख त्वेनाव मचात ज्ञान ।

बेतिमाया लख भचा दयेकल वंगु उसायँ महुम्ह मचायात त्वंकेत खव । लख दयेके धुवे सुखुलिस भवतुलाव थव भातया वारेस गम्भीर कल्पना याना च्वेन । अहो ! जि गुली तक अमागिनीम्ह मिसा ! गुजोलम्हसयाके लाव ववगु । निन्हु स्वेंन्हु दत-नयेत जाकि छम्हुलि महुगु । बफला मचातयसं सिउगु दुख ! थये कल्पना यानां च्वं बेले चिकिधिकलम्ह मचा रश्म्या हल । मचायात दुर त्वंकाव ध्वेना बिल ।

छु याये, जि यखाना सियेत खिपत नं महु-धाधां वइगले वैन । खिपत छपु मालाव छचाथ थइमास चित । मेवगु छचोथे स्वदैति - पांच चिनाव गलपते चियेत ठीक याव बेले चिकिधिकलम्ह मचा हानं खया हवगु तायाव-“यखानाव सियेत नं चित्त सुख महु” - धाधां स्ववति -पांच पयताव कुने वनाव पुत्र-स्नेहं धसपुनाव मचायात सान्त्वना बिल ।

थये मचा हययेका च्वं बेले चक्रमान थो कायेकाव तचोकं हालाव वया च्वंगु तापे दत । अले बेतिमायाया ज्ञान तुं कुछि थहां बल । सिक्क त्वेनाव खापा धिउं बल । बेतिमाया न्हेल-धव-छुउ यानाव सुउंक च्वं च्वेन । निकोल तक खापा धवा धवा यात । छुं सल महु । चक्रमानं जोरं खापास लाकाम प्यंकल । खापा चाला वैन । बेतिमायाया मिखां छुं मखेन । तर अजज नं न्हेल वया च्वंम्ह थें मिखा तिंसिना च्वं च्वेन ।

“गो ध्व मिसा ? बेति ! बेति !! जित नयेगु ठीक या योकनं । गन वैन, अस्यो जुयाव ज्ञाना च्वेन लाकि सिना च्वेन”-धाधां बेतिमायायागु लहात ज्वेनाव थैन । तर बेतिमाया सँ हे मसं ।

“छथें जोलम्ह अस्योम्ह मिसा ला गनं नं वइ मखु । दने मखुला छ ?”-धयाव लाकमं छथु प्यंकल । बेतिमाया वैन । दूता खतं भातम्हसयात छजोलं भोकये यात-“छंत नयेगु ला छु थव उसायँ महु च्वंम्ह मचा लासास तुं च्वेना च्वंगु गोन्हु दत । न बासल, न छुं उपाय हे । काति भचा हे दयेका स्वकेत जाकि छगोल महु । छु याना वयागु पापं छथें जोलम्ह जुवाल-देव व एलाखगुलुयाके वये मावगु”-धाधां मिखां खोवि वयेकल ।

“खव, खव छंगु माथा जि सिउ, छं स्वये बेले जि दुर त्वंम्ह मचा धकाव च्वेना ला ?”

बेतिमाया शोकाकुल मिखाय कुं खोवि हायेकाव
झ्याले भवसुना च्वैन । तं पिहा वया च्वंगु ला उली थुली
हे मनु । मनं मनं धया च्वैन-“ थुलीमछि सह याना च्वैन
धुन, आव थव संसारे च्वं च्वैन गात । कन्हे वयात जि सिना
च्वंगु स्वये दइ । जि मचातयगु जक छु गति जू थें?”

चक्रमानं चाकचा बह तया ववगु धेवास थुली त्यं
वनि धकाव छसुका धेवा न्हेवने तया बिल । बेतिमाया व
धेवा कयाव भातम्हसया खाले कयेका बिल । धेवा छपोलं
मिखास लात । उकि तं पिकयाव बेतिमायायात तचोकं कसा
यात । थव सलं मचात निम्हं दंना वयाव मां धसपुनाव
खल । स्वंपलि ति लिपा सकलें छं वैन ।

कन्हे खुन्द न्हापानं खा हाला हव बेले बेतिमाया दंनाव
स्नेह पूर्वकं मचातयगु छेले ल्हातं पित्तु पियाव, चुपा तयाव
तले थहां वैन । तले वंनाव बहे धलिमे चिना तवगु

खिपते स्ववति-पाँच बिनाव यखात ।

उखुन्द सुये चक्रमानया न्हेलं चायेवं बेतिमाया
छंना च्वं थास वंनाव अये अस्पोम्ह ! दे देव तुइल, लख
काल वैन मत्यवतिला धकाव लाकामं प्यंकल । तर तुति
बेतिमायायात मलासे अभागी मचाया खाले लात । अले
मचा खया हल । चक्रमान सुउँक हानं छं वैन ।

ज्ञानशोभा भुतुलिस वंगु माया खाल स्वव वैन धकाव
खव । तर अन घटना मेवगु हे जुया च्वन । यखाना सिना
च्वंहा मां खंनाव यानाव याकनं वउम्हसया थास वंनाव
“यव ब्वा ! यव ब्वा ! ! मां गलपते खिपतं चिनाव यखानाव
च्वैन । तर वउम्हं कुम्भकर्ण थें दंना हे च्वैन ।

म्हपूजाया (न्दुलगु दँया) दिने उसे छेँस च्वंपिनि गुली
लहर याना च्वैन । थुखे मचातय सिइम्ह मां धसपुनाव
शोक याना च्वैन ।

जिगु खँ छं गय् न्यन्य मयल ?

—भाजु ध्रुवकृष्ण 'दीप'

पासा, जिगु खँ छं गय् न्यन्य मयल !
सोसः व खिबन्हुं धैथें छ विकल
छु-छु दु मने छं गय् कन्य मवल
थुकथं जीवन ज्वी गय् सफल !

युगया सल्लाह नं न्यन्य मयल ?
कि त छ काललिस्य हवाय्फुम्ह जुलला !
वीर खः व वया चक्र दु तः चा
कयन कि छ वया दुन्य छु ज्वी छं मचाः

दुख-सुख पा कया न्हाइगु थव जीवन
फाय् फौमखु छं न्हाइगु याःसां थन
निगुलिस्य नं वया नाता अझिन्न
भाःपी उकि भि निगुलि थव सम्म
अतीतयागु हुँ शीर्णगु सपना !
हय् गुली हे कि चां-न्हि जपना !
चवना जा थय् बरु ज्यूयाय् कल्पना
गुलि दु उकी का रे, न्हुन्हुगु सपना !

काल काव्वी काय् सुखया जग हय्
धैगु छंगु वा मुख्य थव ध्येय ला !
पीर - शीर फुक दूर पुना वळय् ;
हाइ सुखं म्वाय् धैगु यत्न ला !

नैतिक बन्धने मिसा

--भाजु बाबुपासा ।

Women name is trouble ठीक खब । तर मिसापि जक मखु, भीपि नं दुखी, भीगु देश दुखी, झीगु समाज दुखी, भी मचात दुखी । भीगु गृहस्थी-जीवन दुखं जाया च्वंगु दु । भीगु संगती भीगु हे शत्रु जुया च्वन । झीगु रीति रिवाज झीतं तु प्यंकाव बस्वाना च्वंगु दु । भी भवतुले धुकल । आव ला मजिल, छेल लह्नाव भीसं थस्वये माल-थ्व जुल फुकसयागु खँ खब । तर भीसं मिसापित गन्यवगु बन्धने तथा तयागु दु । परन्तु दकसिबे कातुगु खिपत नैतिक बन्धन खब । मचा-छुउ तोलताव ल्यासे जुये साथ छेयागु लुखां पिहां वये दइ मखु । इमित छेस दुने हे कुंना तइ । हानं इमित पदंहु बिया वल्लत धायेव इपि ससलयागु छेस कुंना तइ । फरक केवल थवपिनिगु छेस जुउसा मां, बउ, दाजु, किजापिनिगु बन्धने; बिया वल्लव थास भाल्त, ससल-वउ, माजुपिनिगु बन्धने । थवपिनिगु छेस म्हाचथा रूपेसा बिया वल्लव थास भलिया रूपे । मिसापिनिगु थ्व बन्धन दंदयागु खब । इमित फुरस्त धयागु गुबेलें नं मंडु । इपि मिसापिसं थवपिनिगु कैदखानाया दुने सुचु पिचु यायेगु, लख कायेगु, थल बल सिलेगु माजु, बाजु, किजाभत, केहेभत व भाल्तयात खुशी याये माव अर्थात सेवा याये माव । थुपि तं चाल धायेव लिथु ह्या बिइ धयागु धन्दो; हानं मचा बुल धायेव मचायागु खि व चो का । गनं गनं ला थ्व नं चलत दु कि अन छेयापि फुकसया मनयेकं इमि नये मजिउ ।

गथे जेले दुने च्वम्ह पुलांम्ह कैदीयात, न्हुलम्ह कैदी वल धायेव न्हुलम्ह कैदी पुलांम्ह कैदीयात नायक याइ, अथे हे तु छेस न्हुलम्ह भलिमचा हल धायेव उम्ह भलिमचाया नायक ताभत जुइ । अले व छेया भार छुं हटये जुइ । तवधिकम्ह भलिमचां विधिकलम्ह भलिमचा या उपरे शासन याइ । अले वयात रोकटोक यायेगु नं छुं म्ह जुजु वनिइ ।

नैतिक बन्धने प्रत्येक मनुखत च्वने माव, अयेसां नैतिकतायागु आदर्शया नं सीमाना दु । थ्व सीमाना पुइक सुं मनुखत वन धालसा वयागु जीवन हे भार सिबाय मेवंगु जुये फइ मखु । छु व नैतिक बन्धनं भीत एकदम पवित्र यातला ? छु झीगु दुने कमजोरी व खराबपना मदुला ? युगयागु सभ्यतां झीत पिखें चिना ह्या च्वंगु दु । झीगु कठोर नैतिक बन्धने चवबुं वना च्वंगु दु ।

झीगु सामाजिक जीवने तचोकं हे दबाव वया च्वंगु दु । न्हुलम्ह भलिमचायात सुं नाप खँ तकं ल्हायेगु हक मदु । थ्व भाल्तया न्हवने नापं कछुनाव खँ ल्हाये माव । थ्व सम्बन्ध बिस्तार बिस्तार पुलां जुया वन धायेव तिनि जक मे-मेवपि नाप खँ ल्हाये दइ । ततवधंगु छेयापि मिसापिसं गुगु अवस्थास नं सु नाप खँ ल्हाये मजिउ । परन्तु साधारण घरानायापि मिसापिसं माला वन धालसा जक थ्व नियम चफुये दइ । मां-बउनं जक मखु फुकसयानं सिउ पतियागु आदान प्रदान मिसा व मिज्या दथुस बांलाक चलये जुउ, अथेसां पतियागु आदान प्रदानयात वास्ता मयासे म्हाच मचा नाप खँ ल्हाइ धयागु स्वव स्ववगु सका याइ । थुगु प्रकारयापि नं थन मनुखत दु । थुगु पहयात भद्रताया चि धकाव ला सुनानं धाये फइ मखु ।

मिसापित गुली जकड्ये यानाव त्यलाव बन्धने तइ, उली अपोल इमिसं विरोध यानाव गलत हुंग ज्वनिइ । इमिगु मने थ्व दुहां वनिइ मां-बउनं जिमित पत्यार मयाव जिमिगु आत्म सम्माने तवधंगु धोका बिया च्वन । थुकथं सबसिउपि मिसापिसं तचोक सुख मदयेकइ । थुकि यानाव अपालं, मिसापि मभिगु ले वना च्वंगु खने दु । झीगु अनुचित दङ्ग तं ववपि मिसापिसं थवपिनिगु सभ्यता व आदर्शयात तिलाञ्जली बियाव पाश्चात्य सभ्यतास वनाव प्रजातन्त्रयागु दुरुपयोग याना च्वन । थुकिया कारणं

छेस न्यावेले ल्वापु दया च्वैन । इमिगु भविष्यनं अन्ध-
कारमय जुया च्वैन । अये नं धनबापि सुं सुं मिसापिसं थव
भयुउनि । इमिसं उवेले हे तिति बुइ, गुबेले थवपिनिगु
योवनं वयागु बांलाकगु योवन दुगुलि जक
छु इल तक यइ । गुबेले व मिसायात तोलताव निपलाख
लिचिलिइ अले वया मनं धाइ-“व मिसा बदमाश, रण्डी,
बीच खव ।” छु व मिजं नं वयात मतिना याइ ला ?
असम्भव, गुबेले नं थव खं स्वागत याये फइ मखु ।

गुबेले तक भीसं इमित अनुचित दवाव तया तइ,
उवेले तक उमिगु उत्थान जुये फइ मखु । आव झीसं थव-
पिनिगु छेस समयानुसार थवपिनिगु व्यवहार हियेके भाव ।
गुली भीसं इमित शंका म्हा याइ, उली हे इमिगु बानि
भिना वइ । गुली अपाल इमित कृत्यकाव, दवे यानाव
बन्धने जकडये याना तइ, उली हे अपोल इमिसं भभिगु
ज्या याना वैनइ । यदि भीसं इमित विचार पूर्वक व
सहानुभूति पूर्वक समझये बुझये यात बालसा इमिसं
भीसं अवपुक्त भिगु लेँ छेके फइ । चाकुक्क, साक्क, भिक्क
बांलाक्क, एयेक खं न्यंकां गुली भिक्क ज्या जुइ, उली
कृत्यलां याये फइ मखु ।

बाल्य काल निसें मि भिगु शिक्षा बियाव; दाजु, पिजा,
तथा सज्जनपि पोसापि नाव खुलेजाम खे ल्हायेगु, विचार
बल बिल यायेगु अबकाश बिल धाळसा इमिसं गुबेले
सु नापं खुयाव सुलाव ख ल्हायेगु इच्छा याइ मखु, नाप
नाप इमित थव नं जाण दइ कि इमिसं भि भभिया नं
ज्ञानविन याये फइ । छेस भीसं कड़ा नियमया बन्धन
दयेकाव स्कूल, कलेजे म्हाच मचातयत बंका तवगु
खैन दु । थुजोलापि मिसा मचात छखे स्कूल, कलेज येँ
न्यावगु स्वतन्त्र वातावरणे च्वेना च्वैन; मेवखे इपि हे ह

थवपिनिगु छेयागु बन्धने जकडये जुया च्वैन । थुकथं
स्कूल, कलेजयागु स्वतन्त्रता व छेयागु पुलांगु ध्वनिगु
बन्धनं यानाव गुलीमछि मिसा मचात स्वतन्त्रतायागु
अनुचित ढङ्ग छुचलाव स्येना वैन च्वंगु दु । यदि इमित
उचित ढंगं स्वतन्त्रता बिउगु जुउसा छु इमिसं थवपिनिगु
स्वतन्त्रतायात अनुचित ढंगं छुचलिइला ? प्रज्ञातन्त्र वये
साथ छन्हु छम्ह मिसां थव नापं धावगु न्येने दु-“छु छम्ह
मिजंन पिम्ह कलात तये जिउसा, जिमिसं पिम्ह भारत
काये मजिउक्का ?” आव विचार याना दिसं-“थव छु जुया
वधगु खष । पञ्जले युग युग निसें कुंता तवम्ह भंगलयात
तोलतु बेले वया बेंनाव परखाले न्यानाव कुतु ववगु थें
सिबाय थव मेवगु ला धाये फइ मखु । यदि मचां निसें व मिसा
मात मां-बउनं बांलाक्क व्यवहार यावगु जुउसा गुबेले
व मिसां अये धाये फइ मखु । थव दोष व मिसायागु
छकाव ला धाये जिइ मखु, परन्तु वया मां-बउयागु ला
जकर हे खव ।

नैतिकता धयागु मिसापिके जक मखु, प्रत्येक मानव-
याके अवश्य दये भाव । तर नैतिकतायात अबैतिकता
पाखे संझगु नैतिकता खेनाव धाळसा अवश्य लिचिले
भाव । मनुखं थवपिनिगु नैतिकताया लागी गुली दुखकष्ट
सह याना च्वंगु दु । समय, परिस्थिति अनुसार नैतिकता
नं हिछा वैनइ । सुं मिसाया सुं मिजं नाप प्रेम दु, तर व
मिसायात बल जवरजस्ती मेवम्हसयात हे बिया व्छये
स्यन बाळसा व मिसां उगु नैतिक बन्धनयात अफुताव
पिहां अयेगु हे नैतिकतायात बचये यायेगु जुइ । छाये
धाळसा वयागु परिवारं वयात अनैतिकताया लेँ बंके
स्यंगु दु ।

×

×

×



हलुख

--भाजू चन्द्रमान श्रेष्ठ

'हलुख' धायेव शीसं सिउ कि थ्व छुनु थें व म्हासुग कःनि चूं थें न्यावगु 'चिज खव । विशेष यानाव थ्व के', तरकारी व अचार आदि नयेगु नसास तयाव नइगु छगुलि प्रकारया मसला हे खव ।

हलुख पालु थें हे बुइ । थुकिया स्वंगुलि अवस्था दु । छगुलि 'कांच हलुख' (हलुख लिनाव मगनिगु) खव । थुगु अवस्थायागु हलुखयात पालु थें निनाव मसला नापं तुं छ्यलिइ । थुकिया निगुलिगु अवस्था खव 'कुति-हलुख' (गँने धुंकुगु कुति कुतिगु अर्थात पांच पांचगु) । थुगु अवस्थायागु हलुख प्रायः नसास मछचव, छच हे छचवसां 'कांच हलुख' थें । स्वंगुलिगु जुल 'धुल-हलुख', थुकिया नां हे केवल हलुख जक जुया च्वैनइ । थुगु अवस्थायागु हलुखयात चिया नाप नापं छुनाव व मिइया पलेसा क्येकाव नसास छ्यलिइ ।

हलुख नं मलिभता, लाभ, तिसुलि, कतावसि थें तुं मसला हे खव । मसलाया नाप नापं थ्व नं छुइ । हलुख मसलाया जुजु अर्थात मालिक हे धालसां जिउ । चिला वादशाह हे जुल । ख नं खव हलुख मदयेकं छुं मसलाया विशेष महत्व महु । बह पालु मदुसां ल्याख महु, मलिभता मदुसां ल्याख महु ; अथे हे मे-मेवगु मसला मदुसां नसाया इज्जत वैनइ मखु । हलुख मंत धायेव ला नसाया जात हे वैनइगुका । अथे धकाव न थुकिया छुं विशेष सवाद हे दु । हलुख मदुसां सवाद छुं पाइगु मखु । भी हलुख छुनाव नया च्वैनगु आनि जुउगुलि जक हलुख मदुगु जुल धायेव "नयेला मयेला, साइला मसाइला" जुयाव मने हे गथेखेसे बँनाव मिखा लुम-दनिइगु । अथे धकाव यक्री नं थ्व तये जिउगु मखु । हलुख अपोल जुल धायेव ला म्वालाका, उगु नसाया जात्रा हे न्याइ (वाये ह्यव, फाये ह्यव जुइ) । जि मदुसा न्यालुइ, मलिभता मदुसा पालु सवाद भ्याहे दइ मखु, अथे हे छुं छु मसला मंत उगु उगुया सवाद पाव जुजु वैनइ । तर, हलुख मदुसा हलुखया सवाद पाव जुइ मखु, अथे नं थुली धालसा अवश्य जुइ कि नसा मयेगु लुयेखाइ मखु, न उगु नसाया शोभा हे दइ । गथे हि मगावम्ह मनुखया ख्वाल हिसि दइ मखु, अथे

हे थ्व हलुख मदुगु चिजया शोभा महु । मसला यक्री छुना तवगु दुसां मदुगु थें हे भास याइ । नया स्वत धायेव तिनि मसला छुना तवगु दु धकाव सियेके फइ । विशेष यानाव हलुखयाके थ्व छगुलि मिना लुदकेगु शक्ति दु, गुगु छुं हे मेवगु मसलायाके महु । छुं छुं हे मसला छुना मतवसा नया स्वये बेले मसा-कसां हलुख छुत धायेव स्वये हे लुयेखाना च्वैनइ । नयेला नयेला धयार्थे जुया च्वैनइ । थ्व हलुखया गुजोलगु 'हलुख सवाद' खव ? गुबेले तक शीसं नसा नया स्वई मखु, उबेले तक उकिस मेवगु मसला दु धकाव मिखां तिपयाये थाकुइ । नया हे स्वये बेले सिइगुला खँ हे मखु । हलुख मदुगु जुल धायेव नया हे मस्वसं तुरन्त हलुख हे मदुगु, छु साइ ?' धकाव आलोचना याये धुंकइ । हलुख दुगु जुल धायेव 'साइ ख्वाल वव !' धकाव प्रशंसा याये धुंकइ ।

वास्तवे हलुखया छुं सवाद मदु-थ्व फुकसयानं सिउ । हानं अपोल जुल कि सत्यानाश जुइगु थ्व नं सि हे सिउ । अथे नं लु उपायेचोकं महिमा छाये ? मनुख हलुख यात जोलमके छाये मफुगु ? हलुखयात तरकारी यानाव पये थास मेवगु छुं पिउसा अवश्य नं छता वस्तुया छुं भचासां अपोल उपभोग याये दइला ?

मनुख स्वत सौन्दर्यया पूजारी खव । अज्ज महा पूजारी धालसां जिउ । प्रकृति उलीमछि शोभा बिया तवगु दु, उलीं लुपदसे नाना दुख सियाव न्हेपु नायेकाव अनेक यानाव थो थुलीमछि शृङ्गार सामान (सम्हाः जोल) भीगु दैनिक आवश्यक जक मखु अत्यावश्यक याये धुंकल । अथे नं गावगु मखुनि । न्हापायागु वसा आवायागु वसास गुली पाये धुंकल, हानं लिपायागु वसास गुली पाई तिनि ? तिसा वसत जक मखु, च्वैनगु रहन सहन, चाल चलन फुक्क हिला वया च्वंगु दु । मनुख थुली तक सौन्दर्यया पूजारी खव कि धयां छुं चाव ? नयेगु नसा, गुगु नल कि फुत, अन्यावगु नसास नापं सौन्दर्य मावगु । हलुख मंत धायेव नसाया सौन्दर्य महु । न व नसाया विशेष महत्व हे दइ । अले व वस्तुयात उलीं तुं वहिष्कार नं याइ । जावा निमित्त हलुख यानाव कवाफया वहिष्कार जुइगु । स्वया

दिसें फये फुगु खँ ला ? दाँछिया हलुख मदयेव तकां तकाया नसाया बेइज्जत जुइगु । कवाफया हे बहिष्कार ! खसिया कवाफया अस्तित्व हलुख । ला ला ला हे जुल । थुकियात घेल चिक व अनेक मसलाया तकां कवाफया फुई वइ । तर, थुकियात हे मययेकेगु शक्ति हलुख छफुतीस दुन धारे हलुख ! हलुख हलुख हे खव । धाँये हे हलुख ।

हलुख फुक्रसं मात्र । अर्थात् हलुख छुकियात नं यव मयव याना तवगु मदु । गुकिसं मलिभता छुये मजिउ, गुकिसं पालु । अथे हे गुकिसं छु, गुकिसं छु छु । तर हलुख न्ह्यागुलिस छुउसां जिउ । हलुखया निति फुक्र बराबर, छु मपाव । आलु जावा हे छापे मजुइ हानं कवाफ हे थजु ।

मनुखं सौन्दर्यया मेवगु फुक्र वस्तुके नं छु न छु युग व समय अनुसार हिला वळव । परिवर्तन याव । तर थव हलुखे गुबेले हे परिवर्तन धयागु मजुउगु थव छतास धालसा ताजुव ! उली हिले फुम्ह व हियेके फुम्ह मनुखं जावा हलुखयात गथे परिवर्तन याये मफुत ? अथवा छु कारण परिवर्तन मयात ? अहँ थुकियालिसल बिये थाकु ।

हलुखयागु गुण मानव मात्रया निति अतः आवश्यक खव । हलुख थें न्यावम्ह जुजु मदयाव हे संसारे थुलाभाइ हाहाकार जुया च्वैन । हलुखया थें न्यावगु नीति संसारे सनानं ज्वैन फत धालसा व चक्रवर्ती हे छापे मजुइ ? यदि हलुख थें फुक्रसयात समान दृष्टि स्वयाव इमिगु इमिगु सिद्धान्ते होतथेव मयावसा । न्हैवनेस खैन दुगु हे स्वया दिसें-छले पूजिवाइसा नैवखे सांवाद हानं गनं साम्राज्यवादया नाप छु छु वाद, छु छु वाद । फुक्र मसलाया अस्तित्व हलुखे च्वं थें फुक्र वादया अस्तित्व हलुख-वाद ज्वेताव संसारे दैने फत धालसा व हलुखवादयात स्येकेगु छु वादया तागत नाव ? लाभा नदुसां जिउ, पालु मदुसां जिउ, अथे हे मे-मेवगु न्ह्यागु मदुसां छु मस्यं । मिखा लु हे.द । अथे हे साम्यवाद मतं छु ? साम्राज्यवाद मतं छु ? पूजिवाद मतं छु ? मेवगु छु छु वाद मतं भीत छु आपत्ति मदु । हलुख-वाद मदयाव धकाव खिफाये खिफाये जुया च्वैन । विश्वे शान्ति मजुया च्वैन । यदि हलुख-वाद दुसा गथे मनुख हलुखयात परिवर्तन याये मफुत, अथे हे हलुख-वादयात नं स्येके फइ मखु । विश्व-शान्तिया निति हलुख-वादया

आवश्यकता दु ।

का जि ला छु खँ च्वये मावगु खव, छु खँ च्वया च्वैन । मयेल आव हलुख पाखे हे । मखा व्वये ।

हलुखया श्रृजना गुबेले निसें जुल ? नेपाले गुबेले निसें नयेगु वस्तु नसास तयाव नयेगु यात ? थव अस्थित हे सियेके बहुगु खँ खव । भीसं अनुमान याये फु कि मनुखं बुकाव नये जिउ धयागु हे मसिउ बेले आव थें कचीसां हलुख तयाव उबेलेयापि मनुखं नल अवश्य खइ मखु । हानं बुकाव नये सयेवं तु हलुख तयाव उबेलेयापि मनुखं नल नं अवश्य खइ मखु । विचार हे यायां वैन धालसा नसा तयाव प्वाथ जक जायेकां मगानाव सवाद थुया वव लिसे मसला कथह थें छयले सया वल जुइ । गुबेले मनुखं पुनेगु व मे-मेवगु-लिस शोभा ततं हल, बया सिबे यक्को लिपा नसास नं शोभाया अभाव चासैलि स्वये बेले बाँलाकेत नाप नाप नये बेले नं सवाद मस्यंक हलुख छुयेगु यात जुइ । थुबेलं निसें हे मनुखं हलुख छुनाव नये सयेकुउगु जुये भाव धयागु अनुमान जक खव । वास्तविकता छु खव-थव सियेकेगु ला व हे दनि ।

थन थव पौराणिक बाखं छपु नं दुथ्याके भाव थें च्वः—


“न्ह्यापा न्ह्यापा लंकास राक्षसजय जुजु रावनया थव जुजु जुउगुलि जन साधारणया नसा नये मयल । अले थुकिया पूतिया निति सवाद मस्यंक हलुख छुनाव नयेगु यात । थुकि याताव स्वये हे लुं थें न्यावगु नसा रावनयात सापयल व लोभ वैन । अले वं हलुख-जा सिबे मेवगु नयेगु हे मयात । रावण थये लोभ वैन पुसे च्वंक लुंजा नइगुलि मनाप राजद्वारयापिनि नं वहे लुंजा (हलुखजा) नये खुब लोभ वैन । तर, नये मजिउ । जुजु गैता तवगु दु । उकि केवल रावणया नवगु जक स्वयाव लुदके माला च्वैन, लुदका च्वैन । अथे जुजु रावनया व हलुखजा स्वइपितिगु इल चुलु चुलु वनाव रावण गसि जुजु वल । रावण गसि जुल धकाव लंकास दक्को वैद्य सलताव वयैन । सुनानं थथे अथे धकाव छु लोच लुयेके फुगु मखु । याना याना मजि-सैलि अन्तरराष्ट्रीय वैद्यत सलताव वयैन । उकिस नेपाल-याम्ह वैद्य नं ध्यैन । अथे त थथे अथे धकाव सुनानं छु धाये फुगु मखु । तर, अथे लिहां वयेगु ज्यानेपाल याम्ह

वैद्ययात भि मतल । उकि वं रावयात धाल-छिके विशेष
लोच ला छुं मदु, तर गंसि जुउगुया कारण ला अवश्य
वये माव । उकि उगु कारण लुयेकेत छि नाप जुयेगु पिन्ह
तकयात उजं बिया दिसं । थव ला छुं तवधंगु खँ हे मखुत ।
'जिउ' धाल । थुकथं नेपालयात वैद्य रावण लिसे लिसे
किपालु थेंज्याष वयागु अनुभवं थवहे सिद्ध यानाव रावनयात
धाल-“छि भपइगु नसास हलुखया प्रभाव यानाव स्ववपिनिगु
इल चुलु चुलु वंगुलि छि गंसि जुउगु खव । हानं थुकिया
वासल कँक धाल-“थुकिया निति विशेष छुं वासल याये
म्बाव । केवल राजदरबारयापित लुंजा (हलुखजा मखु,
मसला महुगु) नके माल । थुकि छिगु लोष चवत्यंक लाइ ।”
थुगु अनुभव वैद्यजुयात रावणया नइ बेले तोह मदु तोह
चिनाव राजदरबारयापि हुल हुल स्वव वइगुलि व भेवपि-
निगु नसास हलुख मदुगुलि जुउगु खव । वैद्यया धापु कथं
फुक्कसयात लुंजा (रावणया नसा) धकाव नकल । अले
खखव धावगु हलुख सवादं यानाव सुयां हे हलुखजा लुइ
मखान । रावण स्वये जियां बल । वयागु लोच बांलाक
हे लाल । अतंलि उम्ह गोलः वैद्यजुं उकिया सिरपा स्वरूप
हलुखया पुसा ज्वेनाव नेपाल धाल । थव हलुख पुसा नेपाल
हलुख छुनाव नल धायेव सुयां इल चुलु चुलु
वैद्यजुं मखु, नसा स्वये हे बांलानाव लुइ खाइ, नयागु न
तिलये र्येनिइ धकाव प्रचार यानाव थव हलुखयात नेपालया
नसास थास बिल, बिइकल ।”

हलुख छुत धायेव इल चुलु चुलु वनिइ मखु धाइपि
ला द हे दनि । बास्तवे थव खँ गुथास तक सत्य खव-थव

प्रत्येक पाठकं बिचार याय माव । थुकथं बिचार याना स्वये
बेले इल चुलु चुलु मवकेत थजु वा बांलाकाव नं शोभा
तयेत थजु, विशेष यानाव हलुखया प्रयोग जुउ ववगु खव ।

ग्राव थोक्न्हे वैज्ञानिक दृष्टि स्वये बेले नयेगु नसास
खास यानाव वाउँ पाउँस चिचिधिकल्पि किलत दु । इपि
किलतय पाखें मनुख मावयात अपालं हे भय दु । उकि
इपि किलत स्यायेत हलुख छुयेगु याना तल जुइ धयागु नं
अनुमान याये फु । छये धालसा प्रायः अपाल हे वाउँ पाउँ
हलुख मछुसे मनव । जाकि, छो, आलु, आदि हलुख मछुसैं
नइपि नं दु । थुकथं बिचार याये बेले हलुख छुयेगु नसास
चवंपि किताणु निवारणया निति हे खव धयाथें च्वनं ।
अथे हे खव धयागु जुउसा इल चुलु चुलु वनिइ धयागु खँ
गन छुयेगु ? ख नं खव तुसि कचीकं नइ, लई कचीकं
नइ, लाभा कचीकं नइ, यदि हलुख मदयेव इल चुलु चुलु
वनिइ धयागु खवसा तुसि, लई, आदि कचि नयेव हे इल
चुलु चुलु वने मावगु खव । थथे नं ला मजुउ । हानं हलुख
छुनाव साक स्वये हे लोभ वना पुसे च्वंक नल धायेव
स्वभावं हे इल चुलु चुलु वने यव । थथे बिचार याना स्वये
बेले हलुख छुयेव इल चुलु चुलु वनिइ मखु धयागु ख हे
मखुत । हलुख दयेमा वा मदयेमा कपिनि लोभ वना पुकं
नल धायेव इल चुलु चुलु वनिइगु वालसा खव । हलुख
बास्तवे नसास चवंपि किल स्यायेत स्वास्थ्य रक्षाया निति
थोँकन्हे थास पासे डि. डि. टि. प्रयोग भाव थें तुं प्रयोग
यावगु थें च्वं ।



रमेश व कमला निम्हसया न्हापा हॉई स्कूले च्वं बेलसं निसें हे बांलाक परिचय दु। रमेशया कमला सह-पाठिका नं खव। उकिं इपि खूब जाव। रमेश जक S. L. C. पास जुइ धुंकाव कलेजे ज्वाइन जुउ वैन, कमला घालसा छे मच्छवगुलि वैन मखं। तर, अथे जुउसां थौं तंक नं कमलायागु छे स रमेश व रमेशयागु छे स कमला वनिइगु चलन द हे दनि। छे पाखें नं इमित उली हे स्वतन्त्रता दु। इमिगु गुह्य खे आव तक सुगातं शंका तक नं वं थें मच्चंनि, छाये घालसा इपि वहे छगुलि त्वालया जवला खवला जुया च्वैन।

“रमेश ! रमेश !!”-निरञ्जन सलतु सलतु धहां वल।

रमेश पिहां वंना वल। पिने सुं महु। म्हाइपुसे च्वेनाव छे स लिहां वयाव सफुलि स्वया च्वैन। थौंकन्हे रमेशया थास कमला मववगु नं तवम्ह हे दत, छाये थें कारण रमेशं सियेके मफु। उकिं थौंकन्हे रमेश तचोक हे त्रिकदार जुया च्वेनिइगु। उकिं निरञ्जन सलतुगु नं वं मताव।

“रमेश ! रमेश !!”

रमेश अथे च्वेनाव-“ओहो ! निरञ्जन ला ? दुहां त्रा !”

पयतुतु निरञ्जन न्यैन-“छु याना च्वेना ?

“अथे का, छु याये ? गन वंना वयागु ?”

“छे थास हे छकोल वये धकाव धयागु।”

“छाये, छु विशेष कारण दुला कि ?”

“दु”

“छु ले ?”

“ओ, जि पिन्हु स्वयम्बर याव वैनै त्येना। छ छम्ह पासा वारे।”

“धायें खवला ?”

“खव धया। नकतिनि ७८ म्हा पासापित हा-पति

ईना वया। का ना, स्व छंत नं छगुलि।”

रमेश उत्सुकता पूर्वक न्यैन-“गन च्वम्ह ले?”

“ग्राम हे का छिमि थास च्वम्ह कमलाचा।”

रमेश भसंग वन - सिमां कुतु ववम्ह थें, मानो वयागु हृदयाकाशे मि - मलख हे जुत। वया मने ग्रनेक तनेकगु संकल्प विकल्पया सरिता न्हयाना वल। वं निरञ्जनयागु न्हेसलया लिसल नं मविउ।

निरञ्जनया छु नि छु, छाये घालसा इमिगु खे वं छु सिउ। हानं निरञ्जन न्यैन-“न्हैला रमेश !”

रमेश वाकु छिनाव नुवात - “जि ला मछाव, बा ! मेवपि न्हयाम्हासां च्वेना यंकिरे। स्व, धरु माफ या।”

निरञ्जन हान न्यैन - “रमेश ! मेवपि जि सु च्वेना यंने ? जि थौं छगुलि जिउयाम्हा पासा दुसा छ हे छम्ह जक दु। उजोल थास बांलाक मेल महुपि नं च्वेना यंने मजिउ। न्हैला, रमेश ?

रमेशया छु धाये न छु धाय जुल। हानं वयात प्रतीत जुल अले वयागु मने हाकुगु सुपांच न्हयाना वल - थुली हं जुयाव, बेईमान ! थौंकन्हे जि थास मववगु जुइका। न्हापा लिपा जुउसा पिन्हुस छकोल ला मदिक वइम्ह। निरञ्जनयागु आग्रहयात इन्कार यायेगु नं वयात तचोक सुख ताल। थवगु मनं घालसा ‘हुं जिउ’ धा हे मधाव। तर मजबूरी साथ निरञ्जनयागु आग्रहयात स्वीकार यायेगु बाध्य जुल। अले रमेश मिखा तिसिनाव लिसल बिल - “दये।”

निरञ्जन हर्ष प्रफुल्ल जुल। रमेश जक किर्तव्य विमूढ जुल।

रमेशया कमला थुली याइ धयागु म्हागसे हे मखं। हनिइचा ला कसला व निरञ्जनया स्वयम्बर जुइगु जुल। उकिं रमेशया मने तचोक हे धलि - बजि वाल।

वयात थवहे छगुलि न्हेसल वयाव कुत्तुकुला च्वैन
कि - थवम्ह प्रेमिकाया सुं मेवम्ह नापं स्वयम्बर जुइ थास
दर्शक अथवा लमि जुयाव वैन मावगु - हरे ! गुजोलगु
जिब थीं दुदिन ववगु ? थुजोलगु वखते लाक कमलापि
थास च्वम्ह कांछिचिया केहेचा वयाव पति छपति बिये
हल । रमेश निश्चय यात — थव पक्का कमलाचिगु हे
खइ । तिइजक प्वला स्वत ।

श्रीमान रमेश ,

छितः नाप लाये धकाव जुयागु तवन्हु हे दत ।
छे जित पित व्छया महवगुलि आव तक नाप लाये
मखैन । थौकन्हे जितः तवधंगु हे समस्या छगुलि वया
चवगु दु , गुगु समस्या ममाधान यायेत अले भतीचा
लंकाव हे छिगु उपस्थिति आशा याना । हानं जि
छितः भिपचि जोडये यानाव धाये कि जिगु हृदय-कण्डण ,
जिगु दामि ववगु दुःख , हृदय - आर्तनाद न्यनिइहा जि
छेना छि हे छहा जक । थव अंतिम चान्स खव , मभाये
बते । मभाये हे मते !!

छिहा सहचरी ,
कमला ।

पति च्वेच्वे हे रमेशया मने अन दुष्कल्पना जक
सिवाय मेवगु छं ववगु मखुत । मिखां छुं खने मदया
वैन वया । ह्वापा रमेशया कमला पाखे गुली आशा
व विश्वास दुगु खव , व थीं छुं हे मंत , निराश जुल ।
कमलां जोर यानाव वा धकाव धया हवसां वं वनेगु
मन हे मयात , वं हे मवैन ।

बर्हेनिमया ७।३० ताके रमेश मं मदु मं मदु लंत
फिनाव निरञ्जनया थास नैन । निरञ्जनया नं वसतं फिना
च्वेने धुकल । ८।३० ताके स्वयम्बरया इल जुया च्वैन ।
किनात धकाव रमेश , निरञ्जन व मेवपि पिहा डाहा

कमलापि थास हे वैन । अन नं फुक्क ठीक जुया च्वेने
धुकुउगु जुया च्वैन । इमित अन थ्यैन कथं हे तले थत
च्वेना यैन । वइगले जायेक दर्शकत च्वं च्वगु दु । रमेशया
मन धाल्मा ३ पिइ च्याव , थातये मलाव काकगु द्वाले
च्वंम्ह न्या थें । कमलायात नं थत हल । व कछुनाव वया
च्वैन । रमेशया मन छकोल झसंग वैन , तर कमलां
घालसा रमेशयात खंगु मखुनि । कमलायात मण्डपया
न्हेवने पद्यतुके हल । कमला हिकु हिकु मिकाव खवया च्वंगु
रमेश खैन , थुली जक मखु व हानं कमलायागु त्वकपुया
तवगु ख्वाल खोबि बाल वयाव बे तिकि तंगु नं खैन ।
अले रमेशया मने कौतुहल जुल ।

रमेशया मुमु तवगु सल कमलां थयेक थस्वत - वहे
रमेश ! रमेशया नं थयेक थस्ववगु पाल । निम्हसयां
पिगोल पिक्का चुउ लात , अन्तरद्वन्द जुल । इमि निम्हसयां
अन्तर हृदये खोबि धाल बाल ववगु थव थवपिसं चाल ।

रमेशया मन दु — अनं देना वनेगु । तर पासा-
यागु ख्वाल खूब धैर्य पूर्वक मि - कुं घुतिना च्वं
च्वैन । थवगु नुगले जुउगु क्रन्दनयात नं धैर्य भतीचा
सांस्वना बिल । अहँ शान्ते मजुउ , जु हे मजुउ ।

बराह्मया थव मावगु ज्या सिधयेकल । अन जाज्वले-
मान यानाव मत च्याका तवगु दु — ठीक स्वयम्बरया
किपा काये माव धकाव । कमला व निरञ्जनयात
थन । अले रमेश नं निरञ्जन नापं च्वं च्वंहा दैन ।
' का जिल ' धयागु ब्रह्म वाक्य न्येने मात्रं कमलां थवगु
पूर्ववत निर्णयानुसार वहे निरञ्जन नाप भुक्नुहुँ देना
च्वंहा पति हृदयेश्वर रमेशयात हे थवगु ल्हाते च्वंगु
वर - माला क्वायेका बिल । अले रमेश अजुगति
तथा उल्लाष व उमंगं उत्कृष्ट जुल । मनुखत चिन्चाव
देन , गंगागोल मचये जुल । गुह्यं पक्क , गुह्यं
जागाजाग ।



गय् थें मस्यु !

—भाजु प्रेमबहादुर कंसकार

स्वयास्वयापि मण्डली जुया धाईपि ! न्ह्य थप्पाय
पुकीपि ! फूति याईपि ! फुरुङ्ग जुईपि !

जित नें जोश वल । का न्या ना ह्या — छगू दर्जन
है । जमयेजुइक माझा तया । पलिइ वना भुतिमालि ब्वये-
का । निक्खें चकि चकि वं । घमा मलू । धयाथे यायेज्यू,
धयाथाय् पयायेज्यू । सिक्क का तोता । पिलिपिलि चक्क
ब्वयेका ।

छह निम्हेस्यां सांभ यावल । बुलुहें आपासिनं हे ।
तर, थिल कि चट् — कोटे मे पाले थें का । फाटाफाटा
फुइ — स्यारारारारारा ; फाटाफाटा फुइ — स्यारारा-
रारारा । गबलें उखे, गबलें थुखे वना बोहरि लीथें लिन-
च्वन । न्होने सुं वयेछागु मखु, सुं च्वनेछागु मखु । सकलें
चिच्चादनावल, न्ह्यपं सुनुका विसिवन । सांज यागि
फाटाफुटुं जुयावन ।

सकस्यां ख्यू ख्वा । जि हे जक न्ह्यू ख्वा । न्ह्या
स्वाकुस्वाकु, ग्वाय् 'युप्यु' फूति याना ब्वयेकाच्वना । का
तोता च्वना — चकि चकि, चकि चकि, चकि चकि । अले
धुस्स ! का चवुत । भुतिमालि फाटाफुटुं जुल । जि धया
“ गथि ब्यनावन ! ”

छचाखेर चिल्लाव्दक हालाहल — “ चट् ! लण्डली
चट् ! ”

सीथें मछाल । पलिइ च्वना ख्वा हे नं क्यनाच्वने
मफुत । क्वाहां वया । तर, न्ह्यापने थ्वया हे च्वन —
“ मण्डली चट् ! ” चिकं तया । मज्यू । पिहां वना ।
मज्यू । अले यांकया छको हाला — “ मण्डली चट् ! ”
बल्ल याउल ।

गय् थें मस्यु !

ख्वःगु नुगलं

—भाजु रामबहादुर 'स्यस्य'

प्रेम मिलनया स्वर्णाकांक्षा
वैन थउँ नुगलया क्षीण जुयाः ।
ल्यनाः च्वैन अथेसां वणिला धकाः
आश छगू जक छन्त पियाः ॥

पलख भरयागु सुख वःगु जितः
स्वाना च्वंतले त पीडा बियेत ।
घउछिया घटनां स्मृति हङ्काः
नुगलय् वल कःति कियेत ॥

हागस धकाः नं लोमने मफुत
हागसय् नं मखं जूगु जित ।
बिरह वेदना दिके जि मफुत
नत जिगु थ्व हाःगु ख्ववि हेऽदित ॥

न्हापार्थे आशं स्वां ब्हया वःगु
वाफस वयाः फुक हायका यैन ।
निराशं जगतय् सुम्य जुयाः
सीगु मनशाय आः ल्यना च्वैन ॥



नेपालस भाषावार जिह्वाय आवश्यकता

नेपालस जुया च्वंगु विभिन्न शवालया नाप नाप भाषाया शवाल नं छगुलि तवधगु शवाल खव । कारण मे-मेवगु राष्ट्र थें नेपाल नं छगुलि अपालं भाषा भाषीपि दुगु राष्ट्र खव । अले थन च्वंगु विभिन्न जातिया भाषां समान हुक काये मखनि । थुजोलगु अपालं भाषा दुगु राष्ट्रस गन भाषा समानता मदु अन भाषाया शवाल वइगु नं लववगु अथे हे स्वाभाविक खै खव । अले थवगु राष्ट्रस थव भाषाया शवाल हल यायेगु नं छगुलि तवधगु ज्या खव । गुबेले तक थव भाषाया शवाल हल जुइ मखु, उबेले तक राष्ट्रीय शवाल हल जुल धाये फइ मखु । अथेसा भाषा शवाल गुकथं हल यायेगु धयागु न्हेसल वइ । थुकिया निति भीसं न्हापां नेपालस गुली राष्ट्रीय भाषा दु अले इमिगु ख्वाल-पाल (रूप) छु जुया च्वन सियेके कयेके माव । अपालं यानाव नेपालस दुने विभिन्न जातिया थन थवपिनिगु मां-भाषा दु अथे हे थुपि छगुलि न छगुलि थव थवपिनिगु थामे बस्ती दयेका च्वंता च्वंगु दु । गथे विशेष यानाव नेपाल गालस नेपाल-भाषीपि, पूर्व १ व २ नम्बरस तामाङ्ग-भाषीपि, ३, ४ नम्बर व दूर पूर्व राइलिम्बु भाषीपि, पूर्वोत्तरे श्यापां-भाषीपि, तराइया दक्षिण पूर्व पाखे मैथिला भाषीपि, दक्षिण पाखे भोजपुरी अले पश्चिम नेपाल पाखे नं अथे हे गुरुङ्ग, मगर, तामाङ्ग व मे-मेवगु भाषीपि दु । थुकिस हाकनं थवपिनिगु विशेष स्थान तोलताव मे-मेव थामे नं बस्ते दुपि जाति नं दु । गथे खस, नेपाल व तामाङ्ग । नेपालया व्याक धयाथे बु (शहर) व नगरे नेवाल अले पहाड व पहास खस व तामाङ्ग जाथा च्वंगु दु । थुकथं नेपाले विभिन्न भाषीपि थव थवपिनिगु थामे च्वंता च्वंगु दुसां थुमिगु भाषा अपालं यानाव बोली हे जुया च्वन तिन सिबे साहित्य व शिक्षा दयाव भाषाया रूपस यहाँ धये मफुनि, कारण थुमिगु भाषा न सरकारं

थक्या बिल न थुपि थवपिसं हे थकायेत सैन । शिक्षा मदुगुलि थुमिसं थवपित कृत्यला तवगु अथे हे थवपि लिपा लाना च्वंगु मखं धालसां जिउ । नेपालस भाषाया रूपे यहाँ वया च्वंगु आवयात स्वता हे जक राष्ट्रीय भाषा दु-नेपाल भाषा, खस भाषा व मैथिला भाषा । नेपाल भाषा ला नेपालया उत्पत्ति निसें हे दुगु भाषा जुल, उकि हे थौं थ्व नेपालया संस्कृति प्रतिनिधित्व याये फया च्वन । नेपाल उत्पत्ति जुउगुलि थव भाषा नेपालया वास्तविक राष्ट्रीय भाषा खव । थव भाषा नेपालया मेवगु विशेष भाषा तामाङ्ग, मगर, गुरुङ्ग, राइ, लिम्बु, श्यापां, आदि लिसे जातीय सम्बन्ध दयाव अपालं बल्लाना च्वंगु दु । मेवगु खव खस भाषा, यद्यपि भारतं परिवर्तित जुजुं थव भाषा नेपाले दुहां वया च्वन । थव भाषा नं राणाशाहीया इल निसें तिइजक साहित्यिक क्षेत्रे न्हाव वया च्वन । अले मेवगु खव मैथिला, थुकिया नं थवगु इतिहास व संस्कृतिया पृष्ठभूमि दु । अले थुकिया भारते नं छुं विशेष स्थान दु । थुकथं नेपालया विभिन्न जातिया थव थवपिनिगु मां-भासया छुं प्वाला झीसं सिल । आव स्वये नेपालया माध्यम रूप कया च्वंगु छुं विशेष भाषा । थव खै खस भाषा, नेपाल भाषा व हिन्दी झोल लक्क वइ । नेपाले बहु संख्यक जातिया माध्यम भाषा थौं के हे खस भाषा जुया वया च्वंगु दु, थुकिया के नेपाल भास नं माध्यम भाषाया रूप छुं जातिया दुने कया वया च्वंगु दु, कारण थव नेपाल भाषा नेवालतया दथुस जक मखु, खस, सैय, तामाङ्ग, आदि जातिया दथुस नं थु जक थुउगु मखु ल्हायेगु नं ज्या याव । मेवगु अलग अलग भाषीया दथुस माध्यम जुये मफुसां नेपाल भाषी लिमे मेवपिसं नेपाल भास नं बांलाक खै ल्हाव । अन हिन्दा भाषा वइ । हिन्दी भाषा छगुलि नेपालया अराष्ट्री भाषा जुया नं नेपालया तराइस छगुलि